

程

毛詩篇目

國風

周南

關雎

葛覃

卷耳

樛木

螽斯

桃夭

兔置

采芣

漢廣

汝墳


麟之趾

召南

鵲巢

采芣

草蟲



采蘋

甘棠

行露

羔羊

殷其雷

標有梅

小星

江有汜

野有死麇

何彼穠矣

騶虞

邶對木

淪淇

燕燕

柏舟

綠衣

擊鼓

周日月

終風

匏有苦葉

凱風

雄雉

旄丘

谷風

式微

北門

簡兮

泉水

新臺

北風

靜女

二子乘舟

鄘

柏舟

牆有茨

君子偕老

桑中

鶉之奔奔

定之方中

蟋蟀

相鼠

干旄

載馳

衛

淇奥

考槃

碩人

氓

竹竿

芄蘭

河廣

伯兮

有狐

木瓜

王

黍離

君子于役

君子陽陽

揚之水

中谷有蕓

兔爰

葛藟

采芣

大車

丘中有麻

鄭

緇衣

將仲子

叔于田

大叔于田

清人

羔裘

遵大路

女曰鷄鳴

有女同車

山有扶蘇

蘼兮

狡童

褰裳

丰

東門之墠

風雨

子衿

揚之水

出其東門

野有蔓草

溱洧

齊

鷄鳴

還

著

東方之日

東方未明

南山

甫田

盧令

敝笱

載驅

猗嗟

魏

葛屨

汾沮洳

園有桃

陟岵

十畝之間

伐檀

碩鼠

唐

蟋蟀

山有樞

揚之水

椒聊

綢繆

杖杜

羔裘

鶉羽

無衣

有杕之杜

葛生

采芣

秦

車鄰

駟驥

小戎

蒹葭

終南

黃鳥

晨風

無衣

渭陽

刺權輿

陳

宛丘

東門之枌

衡門

東門之池

東門之揚

墓門

防有鵲巢

月出

株林

秦澤陂

檜

葛生

采芣

羔裘

素冠

濕有萋楚

匪風

鶉之奔奔

林林

曹

山有野

野之采

蟋蟀

候人

鳴鳩

下泉

豳

山有

蔞蔞

七月

鴟鴞

東山

破斧

伐柯

九罭

白狼跋

小雅

南

鹿鳴之什

出車

林林

鹿鳴

四牡

皇皇者華

常棣

伐木

天保

采薇

出車

杖杜

小邶南陔

白華之什

白華

華黍

魚麗

由庚

南有嘉魚

崇丘

幽南山有臺

由儀

蓼蕭

湛露

彤弓之什

新入

魚麗

彤弓

菁菁者莪

六月

采芑

車攻

吉日

鴻雁

庭燎

沔水

北鶴鳴

祈父之什

祈父

白駒

黃鳥

我行其野

斯干

無羊

節南山

正月

十月之交

小雨無正

小旻之什

小旻山

小宛

小弁

巧言其理

何人斯

巷伯

谷風

蓼莪

大東

四月

北山之什

北山

無將大車

小明

鼓鍾

楚茨

信南山

甫田

大田

瞻彼洛矣

裳裳者華

桑扈之什

桑扈

鴛鴦

頍弁

車牽

青蠅

賓之初筵

魚藻

采芣

角弓

苑柳

都人士之什

都人士黃

采芣

黍苗

隰桑

白華

縣蠻

瓠葉

漸漸之石

茗之華

何草不黃

采芣

采芣

大雅

文王之什

文王

大明

緜

棫樸

旱麓

思齊

皇矣

靈臺

下武

文王有聲

生民之什

生民

行葦

既醉

鳧鷖

假樂

公劉

泂酌

卷阿

民勞

板

蕩之什

蕩文

抑

桑柔

雲漢

崧高

烝民

韓奕

江漢

常武

瞻

瞻

召旻

頌

周頌清廟之什

清廟

維天之命

維清

烈文

天作

昊天有成命

我將

時邁

執競

思文

周頌臣工之什

臣工

噫嘻

振鷺

豐年

有瞽

潛

雝

載見

有客

武

周頌閔予小子之什

閔予小子

訪落

敬之

小毖

載芟

良耜

絲衣

酌

桓

賚

般

魯頌

駉

有駟

泂水

閔宮

商頌

那

烈祖

玄鳥

長發

殷武

小毖

薄妾

身昧

閔于小子

有咨

憻之

閔于小子

知

毛詩篇目

憻良

憻咨

毛詩

國風

周南

關關雎鳩在河之洲窈窕淑女君子好逑

參差荇菜左右流之窈窕淑女寤寐求之求之

不得寤寐思服悠哉悠哉輾轉反側

參差荇菜左右采之窈窕淑女琴瑟友之參差

荇菜左右芣之窈窕淑女鐘鼓樂之

關雎三章一章四句二章章八句

葛之覃兮施于中谷維葉萋萋黃鳥于飛集于
灌木其鳴喈喈

葛之覃兮施于中谷維葉莫莫是刈是濩爲絺
爲紵服之無斃

言告師氏言告言歸薄汗我私薄澣我衣害澣
害否歸寧父母

葛覃三章章六句

采采卷耳不盈頃筐嗟我懷人寘彼周行

陟彼崔嵬我馬虺隤我姑酌彼金罍維以不永

懷

傷
陟彼高岡我馬玄黃我姑酌彼兕觥維以不永

陟彼砠矣我馬瘠矣我僕痡矣云何吁矣

卷耳四章章四句

南有樛木葛藟纍之樂只君子福履綏之

南有樛木葛藟荒之樂只君子福履將之

南有樛木葛藟縈之樂只君子福履成之

樛木三章章四句

螽斯羽詵詵兮宜爾子孫振振兮
螽斯羽薨薨兮宜爾子孫繩繩兮
螽斯羽揖揖兮宜爾子孫蟄蟄兮

螽斯三章章四句

桃之夭夭灼灼其華之子于歸宜其室家
桃之夭夭有蕢其實之子于歸宜其家室
桃之夭夭其葉蓁蓁之子于歸宜其家人

桃夭三章章四句

肅肅兔罝椽之丁丁赳赳武夫公侯于城

肅肅兔罝施于中逵赳赳武夫公侯好仇
肅肅兔罝施于中林赳赳武夫公侯腹心

兔罝三章章四句

采采芣苢薄言采之采采芣苢薄言有之
采采芣苢薄言掇之采采芣苢薄言將之
采采芣苢薄言結之采采芣苢薄言禩之

芣苢三章章四句

南有喬木不可休息漢有游女不可求思漢之
廣矣不可泳思江之未矣不可方思

手詩
三
翹翹錯薪言刈其楚之子于歸言秣其馬漢之
廣矣不可泳思江之永矣不可方思

翹翹錯薪言刈其萋之子于歸言秣其駒漢之
廣矣不可泳思江之永矣不可方思

漢廣三章章八句

遵彼汝墳伐其條枚未見君子惄如調飢
遵彼汝墳伐其條肄既見君子不我遐棄
魴魚頰尾王室如燬雖則如燬父母孔邇

汝墳三章章四句

麟之趾振振公子于嗟麟兮
麟之定振振公姓于嗟麟兮
麟之角振振公族于嗟麟兮

麟之趾三章章三句

召南

維鵲有巢維鳩居之之子于歸百兩御之
維鵲有巢維鳩方之之子于歸百兩將之
維鵲有巢維鳩盈之之子于歸百兩成之

鵲巢三章章四句

于以采蘩于沼于沚于以用之公侯之事
于以采蘩于澗之中于以用之公侯之宮
被之僮僮夙夜在公被之祁祁薄言還歸

采蘩三章章四句

嘒嘒草蟲趯趯阜螽未見君子憂心忡忡亦既
見止亦既覯止我心則降

陟彼南山言采其蕨未見君子憂心惓惓亦既
見止亦既覯止我心則說

陟彼南山言采其薇未見君子我心傷悲亦既

見止亦既覯止我心則夷

草蟲三章章七句

于以采蘋南澗之濱于以采藻于彼行潦
于以盛之維筐及筥于以湘之維錡及釜
于以奠之宗室牖下誰其尸之有齊季女

采蘋三章章四句

蔽芾甘棠勿剪勿伐召伯所茇
蔽芾甘棠勿剪勿敗召伯所憇
蔽芾甘棠勿剪勿拜召伯所說

甘棠三章章三句

厭浥行露豈不夙夜謂行多露

誰謂雀無角何以穿我屋誰謂女無家何以速我獄雖速我獄室家不足

誰謂鼠無牙何以穿我墉誰謂女無家何以速我訟雖速我訟亦不女從

行露三章一章三句二章章六句

羔羊之皮素絲五紵退食自公委蛇委蛇

羔羊之革素絲五緘委蛇委蛇自公退食

羔羊之縫素絲五總委蛇委蛇退食自公

羔羊三章章四句

殷其雷在南山之陽何斯違斯莫敢或遑振振君子歸哉歸哉

殷其雷在南山之側何斯違斯莫敢遑息振振君子歸哉歸哉

殷其雷在南山之下何斯違斯莫或遑處振振君子歸哉歸哉

殷其雷三章章六句

標有梅其實七兮求我庶士迨其吉兮
標有梅其實三兮求我庶士迨其今兮
標有梅頃筐既堅之求我庶士迨其謂之

標有梅三章章四句

嘒彼小星三五在東肅肅宵征夙夜在公寔命
不同

嘒彼小星維參與昴肅肅宵征抱衾與裯寔命
不猶

小星二章章五句

江有汜之子歸不我以不我以其後也悔
江有渚之子歸不我與不我與其後也處
江有沱之子歸不我過不我過其嘯也歌

江有汜三章章五句

野有死麕白茅包之有女懷春吉士誘之
林有樸檉野有死鹿白茅純束有女如玉
舒而脫脫兮無感我悅兮無使尫也吠

野有死麕三章二章章四句一章三句

何彼穠矣唐棣之華曷不肅雖王姬之車

何彼穠矣華如桃李平王之孫齊侯之子
其鈞維何維絲伊緡齊侯之子平王之孫

何彼穠矣三章章四句

彼茁者葭壹發五豝于嗟乎騶虞

彼茁者蓬壹發五縱于嗟乎騶虞

騶虞二章章三句

邶

汎彼柏舟亦汎其流耿耿不寐如有隱憂微我
無酒以敖以遊

我心匪鑿不可以茹亦有兄弟不可以據薄言
往愬逢彼之怒

我心匪石不可轉也我心匪席不可卷也威儀
棣棣不可選也

憂心悄悄愠于羣小覲閔旣多受侮不少靜言
思之寤辟有標

日居月諸胡迭而微心之憂矣如匪澣衣靜言
思之不能奮飛

柏舟五章章六句

綠兮衣兮綠衣黃裏心之憂矣曷維其已
綠兮衣兮綠衣黃裳心之憂矣曷維其亡
綠衣絲兮女所治兮我思古人俾無訖兮
絺兮綌兮淒其以風我思古人實獲我心

綠衣四章章四句

燕燕于飛差池其羽之子于歸遠送于野瞻望

弗及泣涕如雨

燕燕于飛頡之頡之之子于歸遠于將之瞻望

弗及佇立以泣

燕燕于飛下上其音之子于歸遠送于南瞻望
弗及實勞我心

仲氏任只其心塞淵終溫且惠淑慎其身先君
之思以勗寡人

燕燕四章章六句

日居月諸照臨下土乃如之人兮逝不古處胡
能有定寧不我顧

日居月諸下土是冒乃如之人兮逝不相好胡
能有定寧不我報

日居月諸出自東方乃如之人兮德音無良胡
能有定俾也可忘
日居月諸東方自出父兮母兮畜我不卒胡能
有定報我不述

日月四章章六句

終風且暴顧我則笑謔浪笑敖中心是悼
終風且霾惠然肯來莫往莫來悠悠我思
終風且曠不日有曠寤言不寐願言則嚏
曠曠其陰虺虺其雷寤言不寐願言則懷

終風四章章四句

擊鼓其鏜踴躍用兵土國城漕我獨南行
從孫子仲平陳與宋不我以歸憂心有忡
爰居爰處爰喪其馬于以求之于林之下
死生契闊與子成說執子之手與子偕老
于嗟闊兮不我活兮于嗟洵兮不我信兮

擊鼓五章章四句

凱風自南吹彼棘心棘心天天母氏劬勞
凱風自南吹彼棘薪母氏聖善我無令人

爰有寒泉在浚之下有子七人母氏勞苦
覘皖黃鳥載好其音有子七人莫慰母心

凱風四章章四句

雄雉于飛泄泄其羽我之懷矣自詒伊阻
雄雉于飛下上其音展矣君子實勞我心
瞻彼日月悠悠我思道之云遠曷云能來
百爾君子不知德行不忮不求何用不臧

雄雉四章章四句

匏有苦葉濟有深涉深則厲淺則揭

有瀾濟盈有鷺雉鳴濟盈不濡軌雉鳴求其牡
雝雝鳴鴈旭日始旦士如歸妻迨冰未泮
招招舟子人涉卬否人涉卬否卬須我友

匏有苦葉四章章四句

習習谷風以陰以雨黽勉同心不宜有怒采葑
采菲無以下體德音莫違及爾同死
行道遲遲中心有違不遠伊邇薄送我畿誰謂
荼苦其甘如薺宴爾新婚如兄如弟
涇以渭濁湜湜其沚宴爾新婚不我屑以母逝

我梁毋發我笱我躬不閱遑恤我後
就其深矣方之舟之就其淺矣泳之游之何有
不我亡黽勉求之凡民有喪匍匐救之
育恐育鞠及爾顛覆既生既育比予于毒
我有旨蓄亦以御冬宴爾新昏以我御窮有泂
有潰既詒我肄不念昔者伊余來暨

谷風六章章八句

式微式微胡不歸微君之躬胡爲乎中露

式微式微胡不歸微君之躬胡爲乎泥中
式微二章章四句

旄丘之葛兮何誕之節兮叔兮伯兮何多日也
何其處也必有與也何其久也必有以也
狐裘蒙戎匪車不東叔兮伯兮靡所與同
瑣兮尾兮流離之子叔兮伯兮褻如充耳
旄丘四章章四句

簡兮簡兮方將萬舞日之方中在前上處
碩人俣俣公庭萬舞有力如虎執轡如組

左手執籥右手秉翟赫如渥赭公言錫爵

山有榛隰有苓云誰之思西方美人彼美人兮

西方之人兮

簡兮四章三章章四句一章六句

恣彼泉水亦流于淇有懷于衛靡日不思變彼

諸姬聊與之謀

出宿于泂飲餞于禰女子有行遠父母兄弟問

我諸姑遂及伯姊

出宿于干飲餞于言載脂載牽還車言邁邇臻

于衛不瑕有害

我思肥泉茲之未歎思須與漕我心悠悠駕言

出遊以寫我憂

其深泉水四章章六句

出自北門憂心殷殷終窶且貧莫知我艱已焉

哉天實為之謂之何哉

王事適我政事一埤益我我入自外室人交徧

謫我已焉哉天實為之謂之何哉

王事敦我政事一埤遺我我入自外室人交徧

王摧我已焉哉天實爲之謂之何哉

北門三章章七句

北風其涼雨雪其雩惠而好我攜手同行其虛其邪既亟只且

北風其喑雨雪其霏惠而好我攜手同歸其虛其邪既亟只且

莫赤匪狐莫黑匪烏惠而好我攜手同車其虛其邪既亟只且

北風三章章六句

靜女其姝俟我於城隅愛而不見搔首踟躕靜女其變貽我彤管彤管有煒說懌女美自牧歸荑洵美且異匪女之爲美美人之貽

靜女三章章四句

新臺有泚河水瀾瀾燕婉之求蘧條不鮮新臺有洒河水浼浼燕婉之求蘧條不殄魚網之設鴻則離之燕婉之求得此戚施

新臺三章章四句

二子乘舟汎汎其景願言思子中心養養

二子乘舟汎汎其逝願言思子不瑕有害

二子乘舟二章章四句

魚豕

汎彼栢舟在彼中河髡彼兩髦實維我儀之死

矢靡他母也天只不諒人只

汎彼栢舟在彼河側髡彼兩髦實維我特之死

自矢靡慝母也天只不諒人只

柏舟二章章七句

牆有茨不可埽也中冓之言不可道也所可道

也言之醜也

牆有茨不可襄也中冓之言不可詳也所可詳

也言之長也

牆有茨不可束也中冓之言不可讀也所可讀

也言之辱也

牆有茨三章章六句

君子偕老副笄六珈委委佗佗如山如河象服

是宜子之不淑云如之何

玼兮玼兮其之翟也鬢髮如雲不屑髢也玉之

瑤也象之掃也揚且之皙也胡然而天也胡然而帝也不然云賦又何

瑤兮瑤兮其之展也蒙彼縐絺是繼袪也子之清揚揚且之顏也展如之人兮邦之媛也

君子偕老三章一章七句一章九句一

章八句

爰采唐矣沫之鄉矣云誰之思美孟姜矣期我乎桑中要我乎上宮送我乎淇之上矣
爰采麥矣沫之北矣云誰之思美孟弋矣期我

乎桑中要我乎上宮送我乎淇之上矣

爰采葑矣沫之東矣云誰之思美孟庸矣期我乎桑中要我乎上宮送我乎淇之上矣

桑中三章章七句

鶉之奔奔鶉之疆疆人之無良我以為兄鶉之疆疆鶉之奔奔人之無良我以為君

鶉之奔奔二章章四句

定之方中作于楚宮揆之以日作于楚室樹之

榛栗椅桐梓漆爰伐琴瑟

升彼虛矣以望楚矣望楚與堂景山與京降觀
于桑卜云其吉終焉允臧

靈雨既零命彼倌人星言夙駕說于桑田匪直
也人秉心塞淵騶牝三千

定之方中三章章七句

蝮螭在東莫之敢指女子有行遠父母兄弟
朝濟于西崇朝其雨女子有行遠兄弟父母
乃如之人也懷昏姻也大無信也不知命也

蝮螭三章章四句

相鼠有皮人而無儀人而無儀不死何爲
相鼠有齒人而無止人而無止不死何俟
相鼠有體人而無禮人而無禮胡不遄死

相鼠三章章四句

子子干旄在浚之郊素絲紕之良馬四之彼姝
者子何以畀之

子子干旛在浚之都素絲組之良馬五之彼姝
者子何以予之

子子干旌在浚之城素絲祝之良馬六之彼姝

者子何以告之
千旄三章章六句

載馳載驅歸唁衛侯驅馬悠悠言至於漕大夫
跋涉我心則憂

既不我嘉不能旋反視爾不臧我思不遠既不
我嘉不能旋濟視爾不臧我思不闕

陟彼阿丘言采其蟲女子善懷亦各有行許人
尤之衆穉且狂

我行其野芄芃其麥控于大邦誰因誰極大夫

君子無我有尤百爾所思不如我所之

載馳四章二章章六句二章章八句

衛

瞻彼淇奧綠竹猗猗有匪君子如切如磋如琢

如磨瑟兮僖兮赫兮咺兮有匪君子終不可

諼兮

瞻彼淇奧綠竹青青有匪君子充耳琇瑩會弁

如星瑟兮僖兮赫兮咺兮有匪君子終不可

諼兮

瞻彼淇奧綠竹如簣有匪君子如金如錫如圭
如璧寬兮綽兮猗重較兮善戲謔兮不爲虐

今
淇奧三章章九句

考槃在澗碩人之寬獨寐寤言永矢弗諼
考槃在阿碩人之邁獨寐寤歌永矢弗過
考槃在陸碩人之軸獨寐寤宿永矢弗告

考槃三章章四句

碩人其頰衣錦褰衣齊侯之子衛侯之妻東宮

之妹邢侯之姨譚公維私

手如柔荑膚如凝脂領如蝤蛸齒如瓠犀螭首

蛾眉巧笑倩兮美目盼兮

碩人敖敖說于農郊四牡有騶朱幘鑣鑣翟茀
以朝大夫夙退無使君勞

河水洋洋北流活活施罟濊濊鱸鮪發發葭葦
乘揭揭庶姜孽孽庶士有揭

碩人四章章七句

氓之蚩蚩抱布貿絲匪來貿絲來卽我謀送子

知涉淇至于頓丘匪我愆期子無良媒將子無
怒秋以爲期

乘彼坳垣以望復關不見復關泣涕漣漣既見
復關載笑載言爾卜爾筮體無咎言以爾車
來以我賄遷

桑之未落其葉沃若于嗟鳩兮無食桑甚于嗟
女兮無與士耽士之耽兮猶可說也女之耽
兮不可說也

桑之落矣其黃而隕自我徂爾三歲食貧淇水
湯湯漸車帷裳女也不爽士貳其行士也罔
極二三其德

三歲爲婦靡室勞矣夙興夜寐靡有朝矣言既
遂矣至于暴矣兄弟不知咥其笑矣靜言思
之躬自悼矣

及爾偕老老使我怨淇則有岸隰則有泮總角
之宴言笑晏晏信誓旦旦不思其反反是不
思亦已焉哉

氓六章章十句

籊籊竹竿以釣于淇豈不爾思遠莫致之

泉源在左淇水在右女子有行遠父母兄弟

淇水在右泉源在左巧笑之瑳佩玉之儺

淇水悠悠檜楫松舟駕言出遊以寫我憂

竹竿四章章四句

芄蘭之支童子佩觿雖則佩觿能不我知容兮

遂兮垂帶悸兮

芄蘭之葉童子佩鞶雖則佩鞶能不我甲容兮

遂兮垂帶悸兮

芄蘭二章章六句

誰謂河廣一葦杭之誰謂宋遠跂予望之

誰謂河廣曾不容刀誰謂宋遠曾不崇朝

河廣二章章四句

伯兮揭兮邦之桀兮伯也執殳爲王前驅

自伯之東首如飛蓬豈無膏沐誰適爲容

其雨其雨杲杲出日願言思伯甘心首疾

焉得諼草言樹之背願言思伯使我心痲

伯兮四章章四句

有狐綏綏在彼淇梁心之憂矣之子無裳
有狐綏綏在彼淇厲心之憂矣之子無帶
有狐綏綏在彼淇側心之憂矣之子無服

有狐三章章四句

投我以木瓜報之以瓊琚匪報也未以爲好也
投我以木桃報之以瓊瑤匪報也未以爲好也
投我以木李報之以瓊玖匪報也未以爲好也

木瓜三章章四句

王

彼黍離離彼稷之苗行邁靡靡中心搖搖知我
者謂我心憂不知我者謂我何求悠悠蒼天
此何人哉

彼黍離離彼稷之穗行邁靡靡中心如醉知我
者謂我心憂不知我者謂我何求悠悠蒼天

此何人哉

彼黍離離彼稷之實行邁靡靡中心如噎知我
者謂我心憂不知我者謂我何求悠悠蒼天
此何人哉

黍離三章章十句

君子于役不知其期曷至哉雞棲于埽日之夕
矣羊牛下來君子于役如之何勿思
君子于役不日不月曷其有佸雞棲于桀日之
夕矣牛羊下括君子于役苟無飢渴
君子于役二章章八句
君子陽陽左執簧右招我由房其樂只且
君子陶陶左執翫右招我由敖其樂只且
君子陽陽二章章四句

揚之水不流束薪彼其之子不與我戍申懷哉

懷哉曷月予還歸哉

揚之水不流束楚彼其之子不與我戍甫懷哉

懷哉曷月予還歸哉

揚之水不流束蒲彼其之子不與我戍許懷哉

懷哉曷月予還歸哉

揚之水三章章六句

中谷有蕓曠其乾矣有女仳離嘒其嘆矣嘒其
嘆矣遇人之艱難矣

中谷有蕓嘆其脩矣有女仳離條其歎矣條其
甲歎矣遇人之不淑矣文以轉其其歎矣其
中谷有蕓嘆其濕矣有女仳離啜其泣矣啜其
泣矣何嗟及矣

中谷有蕓三章章六句與非丸音對姑
有兔爰爰雉離于羅我生之初尚無爲我生之
後逢此百罹尚寐無吡于不與非丸音對姑
有兔爰爰雉離于孕我生之初尚無造我生之
後逢此百憂尚寐無覺于不與非丸音對姑

有兔爰爰雉離于置我生之初尚無庸我生之
後逢此百凶尚寐無聰

兔爰三章章七句

縣縣葛藟在河之滸終遠兄弟謂他人父謂他
人父亦莫我顧

縣縣葛藟在河之浹終遠兄弟謂他人母謂他
人母亦莫我有

縣縣葛藟在河之漘終遠兄弟謂他人昆謂他
人昆亦莫我聞

八月葛藟三章章六句

彼采葛兮一日不見如三月兮

彼采蕭兮一日不見如三秋兮

彼采艾兮一日不見如三歲兮

采葛三章章三句

大車檻檻毳衣如茨豈不爾思畏子不敢

大車啍啍毳衣如璊豈不爾思畏子不奔

穀則異室死則同穴謂予不信有如皦日

大車三章章四句

丘中有麻彼留子嗟彼留子嗟將其來施施

丘中有麥彼留子國彼留子國將其來食

丘中有李彼留之子彼留之子貽我佩玖

丘中有麻三章章四句

鄭

緇衣之宜兮敝予又改爲兮適子之館兮還予

授子之粢兮

緇衣之好兮敝予又改造兮適子之館兮還予

授子之粢兮

緇衣之蓆兮敝予又改作兮適子之館兮還予授子之粢兮又列豈令適子之館兮還予

緇衣三章章四句

將仲子兮無踰我里無折我樹杞豈敢愛之畏我父母仲可懷也父母之言亦可畏也

將仲子兮無踰我牆無折我樹桑豈敢愛之畏我諸兄仲可懷也諸兄之言亦可畏也

將仲子兮無踰我園無折我樹檀豈敢愛之畏人之多言仲可懷也人之多言亦可畏也

將仲子三章章八句

叔于田巷無居人豈無居人不如叔也洵美且仁

叔于狩巷無飲酒豈無飲酒不如叔也洵美且好

叔適野巷無服馬豈無服馬不如叔也洵美且武

叔于田三章章五句

叔于田乘乘馬執轡如組兩驂如舞叔在藪火

烈具舉禮，楊暴虎獻于公。所將叔無徂，戒其傷女。

叔于田，乘乘黃。兩服上襄，兩驂鴈行。叔在藪，火烈具揚。叔善射忌，又良御忌。抑磬控忌，抑縱送忌。

叔于田，乘乘鵠。兩服齊首，兩驂如手。叔在藪，火烈具阜。叔馬慢忌，叔發罕忌。抑釋棚忌，抑鬯弓忌。

大叔于田三章章十句

清人在彭，駟介旁旁。二矛重英，河上乎翱翔。清人在消，駟介麋麋。二矛重喬，河上乎逍遙。清人在軸，駟介陶陶。左旋右抽，中軍作好。

清人三章章四句

羔裘如濡，洵直且侯。彼其之子，舍命不渝。羔裘豹飾，孔武有力。彼其之子，邦之司直。羔裘晏兮，三英粲兮。彼其之子，邦之彥兮。

羔裘三章章四句

遵大路兮，掺執子之祛兮。無我惡兮，不寔故也。

遵大路兮摯執子之手兮無我勳兮不寔好也
遵大路二章章四句

女曰雞鳴士曰昧旦子興視夜明星有爛將翱
將翔弋鳧與鴈

弋言加之與子宜之宜言飲酒與子偕老琴瑟
在御莫不靜好

知子之來之雜佩以贈之知子之順之雜佩以
問之知子之好之雜佩以報之

女曰雞鳴三章章六句

有女同車顏如舜華將翱將翔佩玉瓊琚彼美
孟姜洵美且都

有女同行顏如舜英將翱將翔佩玉將將彼美
孟姜德音不忘

有女同車二章章六句

山有扶蘇隰有荷華不見子都乃見狂且
山有橋松隰有游龍不見子充乃見狡童

山有扶蘇二章章四句

蘅兮蘅兮風其吹女叔兮伯兮倡予和女

釋兮釋兮風其漂女叔兮伯兮倡予要女

釋兮二章章四句

彼狡童兮不與我言兮維子之故使我不能餐
兮

彼狡童兮不與我食兮維子之故使我不能息
兮

狡童二章章四句

子惠思我褰裳涉溱子不我思豈無他人狂童
之狂也且

子惠思我褰裳涉洧子不我思豈無他士狂童
之狂也且

褰裳二章章五句

子之丰兮侯我乎巷兮悔予不送兮

子之昌兮侯我乎堂兮悔予不將兮

衣錦褰衣裳錦褰裳叔兮伯兮駕予與行

裳錦褰衣裳錦褰衣叔兮伯兮駕予與歸

丰四章二章章三句二章章四句

東門之墀茹蘆在阪其室則邇其人甚遠

東門之栗有踐家室豈不爾思子不我卽

東門之墀二章章四句

風雨淒淒雞鳴喈喈既見君子云胡不夷
風雨瀟瀟雞鳴膠膠既見君子云胡不瘳
風雨如晦雞鳴不已既見君子云胡不喜

風雨三章章四句

青青子衿悠悠我心縱我不往子寧不嗣音
青青子佩悠悠我思縱我不往子寧不來
挑兮達兮在城闕兮一日不見如三月兮

子衿三章章四句

揚之水不流束楚終鮮兄弟維予與女無信人
之言人實廷女

揚之水不流束薪終鮮兄弟維予二人無信人
之言人實不信

揚之水二章章六句

出其東門有女如雲雖則如雲匪我思存縞衣
綦巾聊樂我員

出其闔閭有女如荼雖則如荼匪我思且縞衣

如蘆聊可與娛

出其東門二章章六句

野有蔓草零露漙漙今有美一人清揚婉兮邂逅
相遇適我願兮

野有蔓草零露漙漙有美一人婉如清揚邂逅
相遇與子偕臧

野有蔓草二章章六句

溱與洧方渙渙兮士與女方秉蘭兮女曰觀乎
士曰既且且往觀乎洧之外洵訏且樂維士

與女伊其相謔贈之以勺藥

溱與洧瀏其清矣士與女殷其盈矣女曰觀乎
士曰既且且往觀乎洧之外洵訏且樂維士
與女伊其將謔贈之以勺藥

溱洧二章章十二句

齊

雞既鳴矣朝既盈矣匪雞則鳴蒼蠅之聲

東方明矣朝既昌矣匪東方則明月出之光

蟲飛薨薨甘與子同夢會且歸矣無庶予子憎

雞鳴三章章四句

子之還兮遭我乎徂之間兮並驅從兩肩兮揖
我謂我儂兮

子之茂兮遭我乎徂之道兮並驅從兩牡兮揖
我謂我好兮

子之昌兮遭我乎徂之陽兮並驅從兩狼兮揖
我謂我臧兮

還三章章四句

俟我於著乎而充耳以素乎而尚之以瓊華乎

而

俟我於庭乎而充耳以青乎而尚之以瓊瑩乎

而

俟我於堂乎而充耳以黃乎而尚之以瓊英乎

而

著三章章三句

東方之日兮彼姝者子在我室兮在我室兮履

我卽兮

東方之月兮彼姝者子在我闥兮在我闥兮履

我發兮

東方之月二章章五句

東方未明顛倒衣裳顛之倒之自公召之
東方未晞顛倒裳衣倒之顛之自公令之
折柳樊圃狂夫瞿瞿不能晨夜不夙則莫

東方未明三章章四句

南山崔崔雄狐綏綏魯道有蕩齊子由歸既曰
歸止曷又懷止

葛屨五兩冠綉雙止魯道有蕩齊子庸止既曰

庸止曷又從止

藝麻如之何衡從其畝取妻如之何必告父母
既曰告止曷又鞠止

析薪如之何匪斧不克取妻如之何匪媒不得
既曰得止曷又極止

南山四章章六句

無田甫田維莠騶騶無思遠人勞心忉忉
無田甫田維莠桀桀無思遠人勞心怛怛
婉兮孌兮總角丱兮未幾見兮突而弁兮

甫田三章章四句

盧令令其人美且仁

盧重環其人美且鬣

盧重鋁其人美且偲

盧令三章章二句

敝笱在梁其魚魴鰈齊子歸止其從如雲

敝笱在梁其魚魴鱖齊子歸止其從如雨

敝笱在梁其魚唯唯齊子歸止其從如水

敝笱三章章四句

載驅薄薄萐莆朱韞魯道有蕩齊子發夕

四驪濟濟士纜滿滿魯道有蕩齊子豈弟

汶水湯湯行人彭彭魯道有蕩齊子翱翔

汶水滔滔行人儻儻魯道有蕩齊子遊敖

載驅四章章四句

猗嗟昌兮頎而長兮抑若揚兮美目揚兮巧趨

蹌兮射則臧兮

猗嗟名兮美目清兮儀既成兮終日射侯不出

正兮展我甥兮

猗嗟變兮清揚婉兮舞則選兮射則貫兮四矢
反兮以禦亂兮

猗嗟三章章六句

魏

糾糾葛屨可以履霜摻摻女手可以縫裳要之
綌之好人服之

好人提提宛然左辟佩其象揅維是褊心是以
爲刺

葛屨二章一章六句一章五句

彼汾沮洳言采其莫彼其之子美無度美無度

殊異乎公路

彼汾一方言采其桑彼其之子美如英美如英

殊異乎公行

彼汾一曲言采其蕢彼其之子美如玉美如玉

殊異乎公族

汾沮洳三章章六句

園有桃其實之殽心之憂矣我歌且謠不知我
者謂我士也驕彼人是哉子曰何其心之憂

矣其誰知之其誰知之蓋亦勿思
園有棘其實之食心之憂矣聊以行國不知我
者謂我士也罔極彼人是哉子曰何其心之
憂矣其誰知之其誰知之蓋亦勿思

園有桃二章章十二句

陟彼岵兮瞻望父兮父曰嗟予子行役夙夜無

寐已上慎旃哉猶來無止

陟彼屺兮瞻望母兮母曰嗟予季行役夙夜無

寐上慎旃哉猶來無棄

陟彼岡兮瞻望兄兮兄曰嗟予弟行役夙夜必
偕上慎旃哉猶來無死

陟岵三章章六句

十畝之間兮桑者閑閑兮行與子還兮

十畝之外兮桑者泄泄兮行與子逝兮

十畝之間二章章三句

坎坎伐檀兮寘之河之干兮河水清且漣漪不

稼不穡胡取禾三百廛兮不狩不獵胡瞻爾

庭有縣貆兮彼君子兮不素餐兮

坎坎伐輻兮寘之河之側兮河水清且直猗不
稼不穡胡取禾三百億兮不狩不獵胡瞻爾
庭有縣特兮彼君子兮不素食兮且戢且
坎坎伐輪兮寘之河之漘兮河水清且淪猗不
稼不穡胡取禾三百困兮不狩不獵胡瞻爾
庭有縣鶉兮彼君子兮不素殮兮

伐檀三章章九句

碩鼠碩鼠無食我黍三歲貫女莫我肯顧逝將
去女適彼樂土樂土樂土爰得我所

碩鼠碩鼠無食我麥三歲貫女莫我肯德逝將
去女適彼樂國樂國樂國爰得我直

碩鼠碩鼠無食我苗三歲貫女莫我肯勞逝將
去女適彼樂郊樂郊樂郊誰之永號

碩鼠三章章八句

唐

蟋蟀在堂歲聿其莫今我不樂日月其除無已
大康職思其居好樂無荒良士瞿瞿
蟋蟀在堂歲聿其逝今我不樂日月其邁無已

大康職思其外好樂無荒良士蹶蹶
蟋蟀在堂役車其休今我不樂日月其愒無已
大康職思其憂好樂無荒良士休休
蟋蟀三章章八句

山有樞隰有榆子有衣裳弗曳弗婁子有車馬
弗馳弗驅宛其死矣他人是愉

山有栲隰有杻子有廷內弗洒弗埽子有鐘鼓
弗鼓弗考宛其死矣他人是保

山有漆隰有栗子有酒食何不日鼓瑟且以喜
樂且以未日宛其死矣他人入室

山有樞三章章八句

揚之水白石鑿鑿素衣朱襮從子于沃既見君
子云何不樂

揚之水白石皓皓素衣朱繡從子于鵠既見君
子云何其憂

揚之水白石粼粼我聞有命不敢以告人
揚之水三章二章章六句一章四句

椒聊之實蕃衍盈升彼其之子碩大無朋椒聊

且遠條且

椒聊之實蕃衍盈匊彼其之子實大且篤椒聊

且遠條且

椒聊二章章六句

綢繆束薪三星在天今夕何夕見此良人子兮
子兮如此良人何

綢繆束芻三星在隅今夕何夕見此邂逅子兮
子兮如此邂逅何

綢繆束楚三星在戶今夕何夕見此粲者子兮

子兮如此粲者何

綢繆三章章六句

有杕之杜其葉菁菁獨行踽踽豈無他人不如
我同父嗟行之人胡不比焉人無兄弟胡不
飲焉

有杕之杜其葉菁菁獨行叢叢豈無他人不如
我同姓嗟行之人胡不比焉人無兄弟胡不
飲焉

杕杜二章章九句

羔裘豹袪自我人居居豈無他人維子之故
羔裘豹褰自我人究究豈無他人維子之好

羔裘二章章四句

蕭蕭鳴羽集于苞栩王事靡盬不能執耒黍父
毋何怙悠悠蒼天曷其有所

蕭蕭鳴翼集于苞棘王事靡盬不能執黍稷父
毋何食悠悠蒼天曷其有極

蕭蕭鳴行集于苞桑王事靡盬不能執稻粱父
毋何嘗悠悠蒼天曷其有常

鳴羽三章章七句

豈曰無衣七兮不如子之衣安且吉兮

豈曰無衣六兮不如子之衣安且燠兮

無衣二章章三句

有杕之杜生于道左彼君子兮噬肯適我中心
好之曷飲食之

有杕之杜生于道周彼君子兮噬肯來遊中心
好之曷飲食之

有杕之杜二章章六句

葛生蒙楚歛蔓于野予美亡此誰與獨處
葛生蒙棘歛蔓于域予美亡此誰與獨息
角枕粲兮錦衾爛兮予美亡此誰與獨旦
夏之日冬之夜百歲之後歸于其居

冬之夜夏之日百歲之後歸于其室

葛生五章章四句

采苓采苓首陽之巔人之爲言苟亦無信舍旃
舍旃苟亦無然人之爲言胡得焉
采苦采苦首陽之下人之爲言苟亦無與舍旃

舍旃苟亦無然人之爲言胡得焉

采葑采葑首陽之東人之爲言苟亦無從舍旃
舍旃苟亦無然人之爲言胡得焉

采苓三章章八句

秦

有車鄰鄰有馬白顛未見君子寺人之令

阪有漆隰有栗既見君子並坐鼓瑟今者不樂

逝者其耄

阪有桑隰有楊既見君子並坐鼓簧今者不樂

逝者其亡

車鄰三章一章四句二章章六句

駟馘孔阜六轡在手公之媚子從公于狩
奉時辰牡辰牡孔碩公曰左之舍拔則獲
遊于北園四馬旣閑輶車鸞鑣載儉歌驕

駟馘三章章四句

小戎伐收五檠梁輶游環脅驅陰鞞塗續文茵
暢轂駕我騏驎言念君子溫其如玉在其板
屋亂我心曲

四牡孔阜六轡在手騏驎是中駟驪是驂龍盾
之合塗以輶輶言念君子溫其在邑方何爲
期胡然我念之

伐駟孔群九矛塗錞蒙伐有苑虎韞鏤膺交韞
二弓竹閉緄滕言念君子載寢載興厭厭良
人秩秩德音

小戎三章章十句

蒹葭蒼蒼白露爲霜所謂伊人在水一方溯洄
從之道阻且長溯游從之宛在水中央

兼葭淒淒白露未晞所謂伊人在水之湄溯洄
從之道阻且躋溯游從之宛在水中坻
兼葭采采白露未已所謂伊人在水之渼溯洄
從之道阻且右溯游從之宛在水中沚

兼葭三章章八句

終南何有有條有梅君子至止錦衣狐裘顏如
渥丹其君也哉

終南何有有紀有堂君子至止黻衣繡裳佩玉
將將壽考不忘

終南二章章六句

交交黃鳥止于棘誰從穆公子車奄息維此奄
息百夫之特臨其穴惴惴其慄彼蒼者天殲
我良人如可贖兮人百其身

交交黃鳥止于桑誰從穆公子車仲行維此仲
行百夫之防臨其穴惴惴其慄彼蒼者天殲
我良人如可贖兮人百其身

交交黃鳥止于楚誰從穆公子車鍼虎維此鍼
虎百夫之禦臨其穴惴惴其慄彼蒼者天殲

我良人如可贖兮人百其身

黃鳥三章章十二句

駝彼晨風鬱彼北林未見君子憂心欽欽如何如何忘我實多

山有苞櫟隰有六駮未見君子憂心靡樂如何如何忘我實多

山有苞棣隰有樹檉未見君子憂心如醉如何如何忘我實多

晨風三章章六句

豈曰無衣與子同袍王于興師修我戈矛與子

同仇

豈曰無衣與子同澤王于興師修我矛戟與子

偕作

豈曰無衣與子同裳王于興師修我甲兵與子

偕行

無衣三章章五句

我送舅氏曰至渭陽何以贈之路車乘黃
我送舅氏悠悠我思何以贈之瓊瑰玉佩

渭陽二章章四句

於我乎夏屋渠渠今也每食無餘于嗟乎不承

權輿

於我乎每食四簋今也每食不飽于嗟乎不承

權輿

權輿二章章五句

陳

子之湯兮宛丘之上兮洵有情兮而無望兮

坎其擊鼓宛丘之下無冬無夏值其鷺羽

坎其擊缶宛丘之道無冬無夏值其鷺翮

宛丘三章章四句

東門之枌宛丘之栩子仲之子婆娑其下

穀旦于差南方之原不績其麻市也婆娑

穀旦于逝越以駸邁視爾如蒞貽我握椒

東門之枌三章章四句

衡門之下可以棲遲泌之洋洋可以樂飢

豈其食魚必河之魴豈其取妻必齊之姜

豈其食魚必河之鯉豈其取妻必宋之子

衡門三章章四句

東門之池可以漚麻彼美淑姬可與晤歌

東門之池可以漚紵彼美淑姬可與晤語

東門之池可以漚菅彼美淑姬可與晤言

東門之池三章章四句

東門之揚其葉牂牂昏以為期明星煌煌

東門之揚其葉肺肺昏以為期明星哲哲

東門之揚二章章四句

墓門有棘斧以斯之夫也不良國人知之知而

不已誰昔然矣

墓門有梅有鴉萃止夫也不良歌以訊之訊予

不顧顛倒思予

墓門二章章六句

防有鵲巢邛有旨苕誰侑予美心焉怵怵

中唐有甕邛有旨鷓誰侑予美心焉惕惕

防有鵲巢二章章四句

月出皎兮佼人僚兮舒窈糾兮勞心悄悄兮

月出皓兮佼人慄兮舒憂受兮勞心忉忉兮

月出照兮佼人燎兮舒夭紹兮勞心慘兮

月出三章章四句

胡為乎株林從夏南匪適株林從夏南

駕我乘馬說于株野乘我乘駒朝食于株

株林二章章四句

彼澤之陂有蒲與荷有美一人傷如之何寤寐

無為涕泗滂沱

彼澤之陂有蒲與藺有美一人碩大且卷寤寐

無為中心悄悄

彼澤之陂有蒲菡萏有美一人碩大且儼寤寐

無為輾轉伏枕

澤陂三章章六句

檜

羔裘逍遥狐裘以朝豈不爾思勞心忉忉

羔裘翱翔狐裘在堂豈不爾思我心憂傷

羔裘如膏日出有曜豈不爾思中心是悼

羔裘三章章四句

庶見素冠兮棘人樂樂兮勞心博博兮

庶見素衣兮我心傷悲兮聊與子同歸兮
庶見素鞵兮我心蘊結兮聊與子如一兮

素冠三章章三句

隰有萋楚猗儺其枝天之沃沃樂子之無知
隰有萋楚猗儺其華天之沃沃樂子之無家
隰有萋楚猗儺其實天之沃沃樂子之無室

隰有萋楚三章章四句

匪風發兮匪車偈兮顧瞻周道中心怛兮
匪風飄兮匪車嘒兮顧瞻周道中心弔兮

誰能亨魚漑之釜鬻誰將西歸懷之好音

匪風三章章四句

曹

蜉蝣之羽衣裳楚楚心之憂矣於我歸處
蜉蝣之翼采采衣服心之憂矣於我歸息
蜉蝣掘閱麻衣如雪心之憂矣於我歸說

蜉蝣三章章四句

彼候人兮何戈與祲彼其之子三百赤芾
維鷦在梁不濡其翼彼其之子不稱其服

維鷦在梁不濡其味彼其之子不遂其媾
薈兮蔚兮南山朝隴婉兮變兮季女斯飢

候人四章章四句

鳴鳩在桑其子七兮淑人君子其儀一兮其儀

一兮心如結兮

鳴鳩在桑其子在梅淑人君子其帶伊絲其帶

伊絲其弁伊騏

鳴鳩在桑其子在棘淑人君子其儀不忒其儀

不忒正是四國

鳴鳩在桑其子在榛淑人君子正是國人正是

國人胡不萬年

鳴鳩四章章六句

冽彼下泉浸彼苞蘘我寤嘆念彼周京

冽彼下泉浸彼苞蕭我寤嘆念彼京周

冽彼下泉浸彼苞著我寤嘆念彼京師

芄芄黍苗陰雨膏之四國有王郇伯勞之

下泉四章章四句

幽

七月流火九月授衣一之日臚發二之日栗烈
無衣無褐何以卒歲三之日于耜四之日舉
趾同我婦子饁彼南畝田畯至喜

七月流火九月授衣春日載陽有鳴倉庚女執
懿筐遵彼微行爰求柔桑春日遲遲采芣苢
祁女心傷悲殆及公子同歸

七月流火八月萑葦蠶月條桑取彼斧斨以伐
遠揚猗彼女桑七月鳴鵙八月載績載玄載
黃我朱孔陽為公子裳

四月秀萋五月鳴蜩八月其穫十月隕穽一之
日于貉取彼狐狸為公子裘二之日其同載
纘武功言私其縱獻豸于公

五月斯螽動股六月莎雞振羽七月在野八月
在宇九月在戶十月蟋蟀入我牀下穹窒熏
鼠塞向瑾戶嗟我婦子曰為改歲入此室處

六月食鬱及薁七月亨葵及菽八月剝棗十月
穫稻為此春酒以介眉壽七月食瓜八月斷
壺九月叔苴采荼薪樗食我農夫

九月築場圃十月納禾稼黍稷重穆禾麻菽麥
嗟我農夫我稼既同上入執宮功晝爾于茅
宵爾索綯亟其乘屋其始播百穀

二之日鑿冰冲冲三之日納于凌陰四之日其
蚤獻羔祭韭九月肅霜十月滌場朋酒斯饗
曰殺羔羊躋彼公堂稱彼兕觥萬壽無疆

七月八章章十一句

鴟鴞鴟鴞既取我子無毀我室恩斯勤斯鸞子
之閔斯

迨天之未陰雨徹彼桑土綢繆牖戶今女下民
或敢侮予

予手拮据予所將荼予所蓄租予口卒瘁曰予
未有室家

予羽譙譙予尾脩脩予室翹翹風雨所漂搖予
維音嘒嘒

鴟鴞四章章五句

我徂東山惓惓不歸我來自東零雨其濛我東
曰歸我心西悲制彼裳衣勿士行枚蝟蝟者

蠋烝在桑野敦彼獨宿亦在車下
我徂東山惓惓不歸我來自東零雨其濛果臝
之實亦施于宇伊威在室蠨蛸在戶町疇鹿
場熠燿宵行不可畏也伊可懷也

我徂東山惓惓不歸我來自東零雨其濛鸛鳴
于垤婦嘆于室洒掃穹窒我征聿至有敦瓜
于苦烝在栗薪自我不見于今三年卒節曰十
我徂東山惓惓不歸我來自東零雨其濛倉庚
于飛熠燿其羽之子于歸皇駁其馬親結其

縞九十其儀其新孔嘉其舊如之何

東山四章章十二句

既破我斧又缺我斨周公東征四國是皇哀我
人斯亦孔之將

既破我斧又缺我錡周公東征四國是吡哀我
人斯亦孔之嘉

既破我斧又缺我鉞周公東征四國是適哀我
人斯亦孔之休

既破我斧三章章六句

伐柯如何匪斧不克取妻如何匪媒不得
伐柯伐柯其則不遠我邁之子邊豆有踐

九罭之魚鱒魴我覲之子袞衣繡裳

鴻飛遵渚公歸無所於女信處
鴻飛遵陸公歸不復於女信宿

是以有袞衣兮無以我公歸兮無使我心悲兮
九罭四章一章四句三章章三句

狼跋其胡載疐其尾公孫碩膚赤舄几几

狼疐其尾載跋其胡公孫碩膚德音不瑕

狼跋二章章四句

小雅

鹿鳴之什

呦呦鹿鳴食野之苹我有嘉賓鼓瑟吹笙
鼓簧承筐是將人之好我示我周行

呦呦鹿鳴食野之蒿我有嘉賓德音孔昭視民
不忮君子是則是倣我有旨酒嘉賓式燕以

敖

呦呦鹿鳴食野之芩我有嘉賓鼓瑟鼓琴鼓瑟
鼓琴和樂且湛我有旨酒以燕樂嘉賓之心

鹿鳴三章章八句

四牡駢駢周道倭遲豈不懷歸王事靡盬我心
傷悲

四牡駢駢嘽嘽駱馬豈不懷歸王事靡盬不遑
啓處

翩翩者騅載飛載下集于苞栩王事靡盬不遑
將父

翩翩者騅載飛載止集于苞杞王事靡盬不遑
將母

駕彼四駱載驟駸駸豈不懷歸是用作歌將母
來詒

四牡五章章五句

皇皇者華于彼原隰駢駢征夫每懷靡及

我馬維駒六轡如濡載馳載驅周爰咨諏

我馬維騏六轡如絲載馳載驅周爰咨謀

我馬維駱六轡沃若載馳載驅周爰咨度

我馬維駟六轡既均載馳載驅周爰咨詢

皇皇者華五章章四句

常棣之華鄂不韡韡凡今之人莫如兄弟
死喪之威兄弟孔懷原隰哀矣兄弟求矣
脊令在原兄弟急難每有良朋況也未歎
兄弟闐于牆外禦其務每有良朋烝也無戎
喪亂既平既安且寧雖有兄弟不如友生
儉爾邊豆飲酒之飫兄弟既具和樂且孺
妻子好合如鼓瑟琴兄弟既翕和樂且湛

宜爾室家樂爾妻帑是究是圖亶其然乎

常棣八章章四句

伐木丁丁鳥鳴嚶嚶出自幽谷遷于喬木嚶其
鳴矣求其友聲相彼鳥矣猶求友聲矧伊人
矣不求友生神之聽之終和且平

伐木許許醜酒有藇既有肥羜以速諸父寧適
不來微我弗顧於粢酒埽陳饋八簋既有肥
牡以速諸舅寧適不來微我有咎

伐木于阪醜酒有衍邊豆有踐兄弟無遠民之

失德乾餱以愆有酒湑我無酒酤我坎坎鼓
我蹲蹲舞我迨我暇矣飲此湑矣

伐木三章章十二句

天保定爾亦孔之固俾爾單厚何福不除俾爾
多益以莫不庶

天保定爾俾爾戩穀罄無不宜受天百祿降爾
遐福維日不足

天保定爾以莫不興如山如阜如岡如陵如川
之方至以莫不增

吉蠲爲饗是用孝享禴祠絜嘗于公先王君曰
卜爾萬壽無疆

神之弔矣詒爾多福民之質矣日用飲食羣黎
百姓徧爲爾德

如月之恒如日之升如南山之壽不騫不崩如
松柏之茂無不爾或承

采薇采薇薇亦作止曰歸曰歸歲亦莫止靡室

靡家玁狁之故不遑啓居玁狁之故

采薇采薇薇亦柔止曰歸曰歸心亦憂止憂心
采烈烈載飢載渴我戍未定靡使歸聘

采薇采薇薇亦剛止曰歸曰歸歲亦陽止王事
靡盬不遑啓處憂心孔疚我行不來

彼爾維何維常之華彼路斯何君子之車戎車
旣駕四牡業業豈敢定居一月三捷

駕彼四牡四牡騤騤君子所依小人所腓四牡
翼翼象弭魚服豈不日戒玁狁孔棘

昔我往矣楊柳依依今我來思雨雪霏霏行道

遲遲載渴載飢我心傷悲莫知我哀

采薇六章章八句

我出我車于彼牧矣自天子所謂我來矣召彼
僕夫謂之載矣王事多難維其棘矣

我出我車于彼郊矣設此旒矣建彼旒矣彼旒
旒斯胡不旒旒憂心悄悄僕夫況瘁

王命南仲往城于方出車彭彭旂旒央央天子
命我城彼朔方赫赫南仲玁狁于襄

昔我往矣黍稷方華今我來思雨雪載塗王事

多難不遑啓居豈不懷歸畏此簡書

嚶嚶草蟲趯趯阜螽未見君子憂心忡忡既見

君子我心則降赫赫南仲薄伐西戎

春日遲遲卉木萋萋倉庚喈喈采芣祁祁執訊

獲醜薄言還歸赫赫南仲獫狁于夷

出車六章章八句

有杖之杜有皖其實王事靡盬繼嗣我日日月

陽止女心傷止征夫遑止

有杖之杜其葉萋萋王事靡盬我心傷悲卉木

萋止女心悲止征夫歸止

陟彼北山言采其杞王事靡盬憂我父母檀車

憚憚四牡瘡瘡征夫不遠

匪載匪來憂心孔疚期逝不至而多為恤卜筮

借止會言近止征夫邇止

杖杜四章章七句

南陔

白華之什

白華

華黍

魚麗于罍鱠魚君子有酒旨且多

魚麗于罍魴鱧君子有酒多且旨

魚麗于罍鰕鯉君子有酒旨且有

物其多矣維其嘉矣

物其旨矣維其偕矣

物其有矣維其時矣

魚麗六章三章章四句三章章二句

由庚

南有嘉魚烝然罩罩君子有酒嘉賓式燕以樂

南有嘉魚烝然汕汕君子有酒嘉賓式燕以衍

南有樛木甘瓠纍之君子有酒嘉賓式燕綏之

翩翩者騅烝然來思君子有酒嘉賓式燕又思

南有嘉魚四章章四句

崇丘

南山有臺北山有萊樂只君子邦家之基樂只

君子萬壽無期

南山有桑北山有楊樂只君子邦家之光樂只

君子萬壽無疆

南山有杞北山有李樂只君子民之父母樂只君子德音不已

南山有栲北山有杻樂只君子遐不眉壽樂只君子德音是茂

南山有枸北山有楸樂只君子遐不黃耇樂只君子保艾爾後

南山有臺五章章六句
南山有儀

蓼彼蕭斯零露漙漙今既見君子我心寫兮燕笑語兮是以有譽處兮

蓼彼蕭斯零露瀼瀼既見君子為龍為光其德不爽壽考不忘

蓼彼蕭斯零露泥泥既見君子孔燕豈弟宜兄宜弟令德壽豈

蓼彼蕭斯零露濃濃既見君子儻革沖沖和鸞雝雝萬福攸同

蓼蕭四章章六句

湛湛露斯匪陽不晞厭厭夜飲不醉無歸
湛湛露斯在彼豐草厭厭夜飲在宗載考
湛湛露斯在彼杞棘顯允君子莫不令德
其桐其椅其實離離豈弟君子莫不令儀

湛露四章章四句

彤弓之什

彤弓昭兮受言藏之我有嘉賓中心貺之鐘鼓
既設一朝饗之

彤弓昭兮受言載之我有嘉賓中心喜之鐘鼓

既設一朝右之

彤弓昭兮受言縻之我有嘉賓中心好之鐘鼓
既設一朝醕之

彤弓三章章六句

菁菁者莪在彼中阿既見君子樂且有儀
菁菁者莪在彼中沚既見君子我心則喜
菁菁者莪在彼中陵既見君子錫我百朋
汎汎楊舟載沉載浮既見君子我心則休

菁菁者莪四章章四句

六月棲棲戎車旣飭四牡駉駉載是常服玁狁
孔熾我是用急王于出征以匡王國
比物四驪閑之維則維此六月旣成我服我服
旣成于三十里王于出征以佐天子
四牡脩廣其大有顛薄伐玁狁以奏膚公有嚴
有翼共武之服共武之服以定王國

玁狁匪茹整居焦穫侵鎬及方至于涇陽熾文
鳥章白旆央央元戎十乘以先啓行之
戎車旣安如輕如軒四牡旣佶旣佶且閑薄伐

玁狁至于太原文武吉甫萬邦爲憲
吉甫燕喜旣多受祉來歸自鎬我行未久飲御
諸友包鼈膾鯉侯誰在矣張仲孝友

六月六章章八句

薄言采芑于彼新田于此菑畝方叔涖止其車
三千師干之試方叔率止乘其四騏四騏翼
翼路車有奭輦第魚服鉤膺脩革
薄言采芑于彼新田于此中鄉方叔涖止其車
三千旂旐央央方叔率止約軹錯衡八鸞瑒

瑋服其命服朱芾斯皇有瑋葱珩
馭彼飛隼其飛戾天亦集爰止方叔涖止其車
三千師干之試方叔率止鉦人伐鼓陳師鞠
旅顯允方叔伐鼓淵淵振旅闐闐
蠶爾蠻荆大邦爲讎方叔元老克壯其猶方叔
率止執訊獲醜戎車嘽嘽焯焯如霆如
雷顯允方叔征伐玁狁蠻荆來威

采芑四章章十二句

我車旣攻我馬旣同四牡龐龐駕言徂東

田車旣好四牡孔阜東有甫草駕言行狩
之子于苗選徒囂囂建旄設旄搏獸于敖
駕彼四牡四牡奕奕赤芾金舄會同有繹
決拾旣伙弓矢旣調射夫旣同助我舉柴
四黃旣駕兩驂不猗不失其馳舍矢如破
蕭蕭馬鳴悠悠旆旌徒御不驚大庖不盈
之子于征有聞無聲允矣君子展也太成

車攻八章章四句

吉日維戊旣伯旣禱田車旣好四牡孔阜升彼

吉大阜從其群醜
吉日庚午既差我馬獸之所同麀鹿麇麇漆沮
之從天子之所
瞻彼中原其祁孔有儻儻俟俟或群或友悉率
左右以燕天子
既張我弓既挾我矢發彼小豝殪此大兕以御
賓客且以酌醴
吉日四章章六句
鴻鴈于飛肅肅其羽之子于征劬勞于野爰及

矜人哀此鰥寡

鴻鴈于飛集于中澤之子于垣百堵皆作雖則
劬勞其究安宅

鴻鴈于飛哀鳴嗒嗒維此哲人謂我劬勞維彼
愚人謂我宣驕

鴻鴈三章章六句

夜如何其夜未央庭燎之光君子至止鸞聲將
將
夜如何其夜未艾庭燎晰晰君子至止鸞聲噦

嘖

夜如何其夜鄉晨庭燎有輝君子至止言觀其旂

庭燎三章章五句

沔彼流水朝宗于海駢彼飛隼載飛載止嗟我兄弟邦人諸友莫肯念亂誰無父母

沔彼流水其流湯湯駢彼飛隼載飛載揚念彼不蹟載起載行心之憂矣不可弭忘

駢彼飛隼率彼中陵民之訛言寧莫之懲我友

敬矣讒言其興

沔水三章二章章八句一章六句

鶴鳴于九臯聲聞于野魚潛在淵或在于渚樂彼之園爰有樹檀其下維穉他山之石可以為錯

鶴鳴于九臯聲聞于天魚在于渚或潛在淵樂彼之園爰有樹檀其下維穀他山之石可以攻玉

鶴鳴三章章九句

祈父之什

草章六句

祈父予王之爪牙胡轉予于恤靡所止居

祈父予王之爪士胡轉予于恤靡所底止

祈父亶不聰胡轉予于恤有母之尸饗

祈父三章章四句

皎皎白駒食我場苗絜之維之以永今朝所謂

伊人於焉逍遙

皎皎白駒食我場藿絜之維之以永今夕所謂

伊人於焉嘉客

皎皎白駒賁然來思爾公爾侯逸豫無期慎爾

優游勉爾遁思

皎皎白駒在彼空谷生芻一束其人如玉毋金

玉爾音而有遐心

白駒四章章六句

黃鳥黃鳥無集于穀無啄我粟此邦之人不我

肯穀言旋言歸復我邦族

黃鳥黃鳥無集于桑無啄我梁此邦之人不可

與明言旋言歸復我諸兄

黃鳥黃鳥無集于樹無啄我黍此邦之人不可
與處言旋言歸復我諸父

黃鳥三章章七句

我行其野蔽芾其樛昏姻之故言就爾居爾不
我畜復我邦家

我行其野言采其遠昏姻之故言就爾宿爾不
我畜言歸思復

我行其野言采其蓄不思舊姻求我新特成不
以富亦祗以異

我行其野三章章六句

秩秩斯干幽幽南山如竹苞矣如松茂矣况及
第矣式相好矣無相猶矣

似續妣祖築室百堵西南其戶爰居爰處爰笑
爰語

約之閣閣椽之橐橐風雨攸除鳥鼠攸去君子
攸芋

如跂斯翼如矢斯棘如鳥斯革如翬斯飛君子
攸躋

殖殖其庭有覺其楹噲噲其正噦噦其冥君子
攸寧

下筦上簞乃安斯寢乃寢乃興乃占我夢吉夢
維何維熊維羆維虺維蛇

大人占之維熊維羆男子之祥維虺維蛇女子
之祥

乃生男子載寢之牀載衣之裳載弄之璋其泣
嗶嗶朱芾斯皇室家君王

乃生女子載寢之地載衣之裼載弄之瓦無非
無儀唯酒食是議無父母詒罹

斯千九章四章章七句五章章五句

誰謂爾無羊三百維群誰謂爾無牛九十其犝
爾羊來思其角濺濺爾牛來思其耳濕濕

或降于阿或飲于池或寢或訛爾牧來思何蓑
何笠或負其餼三十維物爾牲則具

爾牧來思以薪以蒸以雌以雄爾羊來思矜矜
兢兢不騫不崩麾之以肱畢來既升

牧人乃夢衆維魚矣旄維旟矣大人占之衆維

魚矣實維豐年旄維旟矣室家溱溱

無羊四章章八句

節彼南山維石巖巖赫赫師尹民具爾瞻憂心
如惓不敢戲談國旣卒斬何用不監

節彼南山有實其猗赫赫師尹不平謂何天方
薦瘡喪亂弘多民言無嘉憺莫懲嗟

尹氏大師維周之氏秉國之均四方是維天子
是毗俾民不迷不弔昊天不宜空我師

弗躬弗親庶民弗信弗問弗仕勿罔君子式夷

式已無小人殆瑣瑣姻亞則無膺仕

昊天不傭降此鞠訕昊天不惠降此大戾君子
如屆俾民心闕君子如夷惡怒是違

不弔昊天亂靡有定式月斯生俾民不寧憂心
如醒誰秉國成不自爲政卒勞百姓

駕彼四牡四牡項領我瞻四方蹙蹙靡所騁言
方茂爾惡相爾矛矣旣夷旣懌如相疇矣

昊天不平我王不寧不懲其心覆怨其正
家父作誦以究王訕式訛爾心以畜萬邦

節南山十章六章章八句四章章四句

正月繁霜我心憂傷民之訛言亦孔之將念我獨兮憂心京京哀我小心癩憂以痒

父母生我胡俾我瘡不自我先不自我後好言自口莠言自口憂心愈愈是以有侮

憂心惻惻念我無祿民之無辜并其臣僕哀我人斯于何從祿瞻烏爰止于誰之屋

瞻彼中林侯薪侯蒸民今方殆視天夢夢既克有定靡人弗勝有皇上帝伊誰云憎

謂山蓋卑爲岡爲陵民之訛言寧莫之懲召彼

故老訊之占夢具曰予聖誰知烏之雌雄

謂天蓋高不敢不局謂地蓋厚不敢不踏維號

斯言有倫有脊哀今之人胡爲虺蜴

瞻彼阪田有苑其特天之抗我如不我克彼求

我則如不我得執我仇仇亦不我力

心之憂矣如或結之今茲之正胡爲厲矣燎之

方揚寧或滅之赫赫宗周褒姒威之

終其未懷又窘陰雨其車旣載乃棄爾輔載輸

爾載將伯助予

無棄爾輔員于爾輻屢顧爾僕不輸爾載終踰
絕險曾是不意

魚在于沼亦匪克樂潛雖伏矣亦孔之炤憂心
慘慘念國之爲虐

彼有旨酒又有嘉殽洽比其鄰昏姻孔云念我
獨兮憂心慙慙

此此彼有屋蔌蔌方有穀民今之無祿天天是
椽笥矣富人哀此惇獨

正月十三章八章章八句五章章六句

十月之交朔日辛卯日有食之亦孔之醜彼月
而微此日而微今此下民亦孔之哀

日月告凶不用其行四國無政不用其良彼月
而食則維其常此日而食于何不臧

燁燁震電不寧不令百川沸騰山冢峯崩高岸
爲谷深谷爲陵哀今之人胡憯莫懲

皇父卿士番維司徒家伯爲宰仲允膳夫聚子
內史蹶維趣馬楛維師氏豔妻煽方處

抑此皇父豈曰不時胡爲我作不卽我謀徹我
牆屋田卒汗萊曰予不戕禮則然矣
皇父孔聖作都于向擇三有事亶侯多藏不愆
遺一老俾守我王擇有車馬以居徂向
龜勉從事不敢告勞無罪無辜讒口囂囂下民
之孽匪降自天噂沓背憎職競由人
悠悠我里亦孔之痍四方有羨我獨居憂民莫
不逸我獨不敢休天命不徹我不敢倣我友
自逸

十月之交八章章八句

浩浩昊天不駿其德降喪饑饉斬伐四國昊天
疾威弗慮弗圖舍彼有罪旣伏其辜若此無
罪淪胥以鋪

周宗旣滅靡所止戾正大夫離居莫知我勩三
事大夫莫肯夙夜邦君諸侯莫肯朝夕庶曰
式臧覆出爲惡
如何昊天辟言不信如彼行邁則靡所臻凡百
君子各敬爾身胡不相畏不畏于天

戎成不退飢成不遂曾我誓御憺憺日瘁凡百
君子莫肯用訊聽言則答譖言則退
哀哉不能言匪舌是出維躬是瘁哿矣能言巧
言如流俾躬處休
維曰于仕孔棘且殆云不可使得罪于天子亦
云可使怨及朋友

謂爾遷于王都曰予未有室家鼠思泣血無言
不疾昔爾出居誰從作爾室

雨無正七章二章章十句二章章八句

三章章六句

小旻之什

旻天疾威敷于下土謀猶回遹何日斯沮謀臧
不從不臧覆用我視謀猶亦孔之邛

滄滄訛訛亦孔之哀謀之其臧則具是違謀之
不臧則具是依我視謀猶伊于胡底

我龜既厭不我告猶謀夫孔多是用不集發言
盈庭誰敢執其咎如匪行邁謀是用不得于
道

哀哉爲猶匪先民是程匪大猶是經維邇言是聽維邇言是爭如彼築室于道謀是用不潰于成

國雖靡止或聖或否民雖靡盬成哲或謀或庸或艾如彼流泉無淪胥以敗

不敢暴虎不敢馮河人知其一莫知其他戰戰兢兢如臨深淵如履薄冰

小旻六章三章章八句三章章七句

宛彼鳴鳩翰飛戾天我心憂傷念昔先人明發

不寐有懷二人

人之齊聖飲酒溫克彼昏不知壹醉日富各敬

爾儀天命不又

中原有菽庶民采之螟蛉有子蜾蠃負之教誨

爾子式穀似之

題彼脊令載飛載鳴我日斯邁而月斯征夙興

夜寐無忝爾所生

交交桑扈率場啄粟哀我填寡宜岸宜獄握粟

出卜自何能穀

溫溫恭人如集于木惴惴小心如臨于谷戰戰兢兢如履薄冰

小宛六章章六句

弁彼鸞斯歸飛提提民莫不穀我獨于罹何辜于天我罪伊何心之憂矣云如之何

踽踽周道鞠爲茂草我心憂傷惄焉如擣假寐永嘆維憂用老心之憂矣疢如疾首

維桑與梓必恭敬止靡瞻匪父靡依匪母不屬于毛不離于裏天之生我我辰安在

宛彼柳斯鳴蜩嘒嘒有漙者淵萑葦淠淠譬彼舟流不知所屆心之憂矣不遑假寐

鹿斯之奔維足伎伎雉之朝雊尚求其雌譬彼壞木疾用無枝心之憂矣寧莫之知

相彼投兔尚或先之行有死人尚或瑾之君子秉心維其忍之心之憂矣涕旣隕之

君子信讒如或疇之君子不惠不舒究之伐木掎矣析薪地矣舍彼有罪予之佗矣

莫高匪山莫浚匪泉君子無易由言耳屬于垣

無逝我梁無發我筍我躬不閱遑恤我後

小弁八章章八句

悠悠昊天曰父母且無罪無辜亂如此憮昊天
已威予慎無罪昊天泰憮予慎無辜

亂之初生僭始既涵亂之又生君子信讒君子
如怒亂庶遄沮君子如祉亂庶遄已

君子屢盟亂是用長君子信盜亂是用暴盜言
孔甘亂是用餒匪其止共維王之印

奕奕寢廟君子作之秩秩大猷聖人莫之他人

有心予忖度之躍躍兔兎遇犬獲之

荏苒柔木君子樹之往來行言心焉數之蛇蛇
碩言出自口矣巧言如簧顏之厚矣

彼何人斯居河之麋無拳無勇職爲亂階既微
且尫爾勇伊何爲猶將多爾居徒幾何

巧言六章章八句

彼何人斯其心孔觀胡逝我梁不入我門伊誰
云從維暴之云

二人從行誰爲此禍胡逝我梁不入唁我始者

二不如今云不我可
彼何人斯胡逝我陳我聞其聲不見其身不愧
于人不畏于天
彼何人斯其爲飄風胡不自北胡不自南胡逝
我梁祇攪我心
爾之安行亦不遑舍爾之亟行遑脂爾車壹者
之來云何其盱
邇還而入我心易也還而不入否難知也壹者
之來俾我祇也

伯氏吹壎仲氏吹篪及爾如貫諒不我知出此
三物以詛爾斯

爲鬼爲蜮則不可得有醜面目視人罔極作此
好歌以極反側

何人斯八章章六句

萋兮斐兮成是貝錦彼譖人者亦已大甚
哆兮侈兮成是南箕彼譖人者誰適與謀
緝緝翩翩謀欲譖人慎爾言也謂爾不信
捷捷幡幡謀欲譖言豈不爾受旣其女遷

驕人好好勞人草草蒼天蒼天視彼驕人矜此
勞人

彼譖人者誰適與謀取彼譖人投畀豺虎豺虎
不食投畀有北有北不受投畀有昊

楊園之道猗于畝丘寺人孟子作爲此詩凡百
君子敬而聽之

巷伯七章四章章四句一章五句一章
八句一章六句

習習谷風維風及雨將恐將懼維予與女將安

將樂女轉棄予

習習谷風維風及頽將恐將懼寘予于懷將安
將樂棄予如遺

習習谷風維山崔嵬無草不死無木不萎忘我
大德思我小怨

谷風三章章六句

蓼蓼者莪匪莪伊蒿哀哀父母生我劬勞

蓼蓼者莪匪莪伊蔚哀哀父母生我勞瘁

併之罄矣維壘之恥鮮民之生不如死之久矣

無父何怙無母何恃出則銜恤入則靡至

父兮生我母兮鞠我拊我畜我長我育我顧我復我出入腹我欲報之德昊天罔極

南山烈烈飄風發發民莫不穀我獨何害

南山律律飄風弗弗民莫不穀我獨不卒

蓼莪六章四章章四句二章章八句

有饒簋殮有捄棘七周道如砥其直如矢君子所履小人所視睠言顧之潛焉出涕

小東大東杼柚其空糾糾葛屨可以履霜佻佻

公子行彼周行旣往旣來使我心疚

有列沈泉無浸穫薪契契寤歎哀我憚人薪是穫薪尚可載也哀我憚人亦可息也

東人之子職勞不來西人之子粲粲衣服舟人之子熊羆是裘私人之子百僚是試

或以其酒不以其漿鞞鞞佩璲不以其長維天有漢監亦有光跂彼織女終日七襄

雖則七襄不成報章睠彼牽牛不以服箱東有啓明西有長庚有捄天畢載施之行

維南有箕不可以簸揚維北有斗不可以挹酒
漿維南有箕載翕其舌維北有斗西柄之揭

大東七章章八句

四月維夏六月徂暑先祖匪人胡寧忍予
秋日淒淒百卉具腓亂離瘼矣奚其適歸
冬日烈烈飄風發發民莫不穀我獨何害
山有嘉卉侯栗侯梅廢爲殘賊莫知其尤
相彼泉水載清載濁我日構禍曷云能穀
滔滔江漢南國之紀盡瘁以仕寧莫我有

匪鷄匪鳶翰飛戾天匪鱣匪鮪潛逃于淵
山有蕨薇隰有杞桋君子作歌維以告哀

四月八章章四句

北山之什

陟彼北山言采其杞偕偕士子朝夕從事王事
靡盬憂我父母

溥天之下莫非王土率土之濱莫非王臣大夫
不均我從事獨賢

四牡彭彭王事傍傍嘉我未老鮮我方將旅力

四方剛經營四方

或燕燕居息或盡瘁事國或息偃在牀或不已

于行

或不知叫號或慘慘劬勞或栖遲偃仰或王事

鞅掌

或湛樂飲酒或慘慘畏咎或出入風議或靡事

不爲

北山六章三章章六句三章章四句

無將大車祇自塵兮無思百憂祇自泯兮

無將大車維塵冥冥無思百憂不出于頰

無將大車維塵雖兮無思百憂祇自重兮

無將大車三章章四句

明明上天照臨下土我征徂西至于芄野二月

初吉載離寒暑心之憂矣其毒大苦念彼共

人涕零如雨豈不懷歸畏此罪罟

昔我往矣日月方除曷云其還歲聿云莫念我

獨兮我事孔庶心之憂矣憚我不暇念彼共

人睠睠懷顧豈不懷歸畏此譴怒

昔我往矣日月方奧曷云其還政事愈感歲聿
云莫采蕭穫菽心之憂矣自詒伊戚念彼共
昔人與言出宿豈不懷歸畏此反覆云莫念茲
嗟爾君子無恒安處靖共爾位正直是與神之
聽之式穀以女云之憂矣其毒大苦念茲共
嗟爾君子無恒安息靖共爾位好是正直神之
聽之介爾景福二章章四句

小明五章三章章十二句二章章六句
鼓鐘將將淮水湯湯憂心且傷淑人君子懷允

不忘

鼓鐘喑喑淮水潛潛憂心且悲淑人君子其德
不回

鼓鐘伐馨淮有二洲憂心且妯淑人君子其德
不猶

鼓鐘欽欽鼓瑟鼓琴笙磬同音以雅以南以籥
不僭

鼓鐘四章章五句

楚楚者茨言拍其棘自昔何爲我蓺黍稷我黍

與與我稷翼翼我倉既盈我庾維億以爲酒
食以饗以祀以妥以侑以介景福

濟濟跄跄絜爾牛羊以往烝嘗或剝或亨或肆
或將祝祭于祊祀事孔明先祖是皇神保是
饗孝孫有慶報以介福萬壽無疆

執爨踏踏爲俎孔碩或燔或炙君婦莫莫爲豆
孔庶爲賓爲客獻酬交錯禮儀卒度笑語卒
獲神保是格報以介福萬壽攸酢

我孔熯矣式禮莫愆工祝致告徂賚孝孫苾芬
孝祀神嗜飲食卜爾百福如幾如式既齊既
稷既匡既敕未錫爾極時萬時億

禮儀既備鐘鼓既戒孝孫徂位工祝致告神具
醉止皇尸載起鼓鐘送尸神保聿歸諸宰君
婦廢徹不遲諸父兄弟備言燕私
樂具入奏以綏後祿爾殽既將莫怨具慶既醉
既飽小大稽首神嗜飲食使君壽考孔惠孔
時維其盡之子子孫孫勿替引之

楚茨六章章十二句

信彼南山維禹甸之昫昫原隰曾孫田之我疆
我理南東其畝

上天同雲雨雪雰雰益之以霡霂既優既渥既
霑既足生我百穀

疆場翼翼黍稷彧彧曾孫之穡以爲酒食畀我
尸賓壽考萬年

中田有廬疆場有瓜是剝是蒞獻之皇祖曾孫
壽考受天之祜

祭以清酒從以騂牡享于祖考執其鸞刀以啓

其毛取其血膋

是烝是享苾苾芬芬祀事孔明先祖是皇報以
介福萬壽無疆

信南山六章章六句

倬彼甫田歲取十千我取其陳食我農人自古
有年今適南畝或耘或耔黍稷薿薿攸介攸
止烝我髦士

以我齊明與我犧羊以社以方我田既臧農夫
之慶琴瑟擊鼓以御田祖以祈甘雨以介我

稷黍以穀我士女

曾孫來止以其婦子饁彼南畝田畯至喜攘其
左右嘗其旨否禾易長畝終善且有曾孫不
怒農夫克敏

曾孫之稼如茨如梁曾孫之庾如坻如京乃求
千斯倉乃求萬斯箱黍稷稻粱農夫之慶報
以介福萬壽無疆

甫田四章章十句

大田多稼既種既戒既備乃事以我覃耜俶載

南畝播厥百穀既庭且碩曾孫是若

既方既皂既堅既好不稂不莠去其螟螣及其
蟊賊無害我田稗田祖有神秉畀炎火

有渰萋萋興雨祁祁雨我公田遂及我私彼有
不穫穉此有不斂穧彼有遺秉此有滯穗伊
寡婦之利

曾孫來止以其婦子饁彼南畝田畯至喜來方
禋祀以其騂黑與其黍稷以享以祀以介景

福

大田四章二章章八句一章章九句

瞻彼洛矣維水泱泱君子至止福祿如茨韎韐
有奭以作六師

瞻彼洛矣維水泱泱君子至止鞞琫有珌君子
萬年保其家室

瞻彼洛矣維水泱泱君子至止福祿既同君子
萬年保其家邦

瞻彼洛矣三章章六句

裳裳者華其葉湑兮我覲之子我心寫兮我心

寫兮是以有譽處兮

裳裳者華芸其黃矣我覲之子維其有章矣維
其有章矣是以有慶矣

裳裳者華或黃或白我覲之子乘其四駱乘其
四駱六轡沃若

左之左之君子宜之右之右之君子有之維其
有之是以似之

裳裳者華四章章六句

桑扈之什

交交桑扈有鶯其羽君子樂胥受天之祜
交交桑扈有鶯其領君子樂胥萬邦之屏
之屏之翰百辟爲憲不戢不難受福不那
兕觥其觶旨酒思柔彼交匪敖萬福來求

桑扈四章章四句

鴛鴦于飛畢之羅之君子萬年福祿宜之
鴛鴦在梁戢其左翼君子萬年宜其遐福
乘馬在廐摧之秣之君子萬年福祿艾之
乘馬在廐秣之摧之君子萬年福祿綏之

鴛鴦四章章四句

有頍者弁實維伊何爾酒旣旨爾殽旣嘉豈伊
異人兄弟匪他鳶與女蘿施于松柏未見君
子憂心奕奕旣見君子庶幾說懌

有頍者弁實維何期爾酒旣旨爾殽旣時豈伊
異人兄弟具來鳶與女蘿施于松上未見君
子憂心怲怲旣見君子庶幾有臧

有頍者弁實維在首爾酒旣旨爾殽旣阜豈伊
異人兄弟甥舅如彼雨雪先集維霰死喪無

日無幾相見樂酒今夕君子維宴

頌弁三章章十二句

間關車之牽兮思變季女逝兮匪飢匪渴德音
來括雖無好友式燕且喜

依彼平林有集維鷓辰彼碩女令德來教式燕
且譽好爾無射

雖無旨酒式飲庶幾雖無嘉殽式食庶幾雖無
德與女式歌且舞

陟彼高岡析其柞薪析其柞薪其葉湑兮鮮我

覲爾我心寫兮

高山仰止景行行止四牡騤騤六轡如琴覲爾
新昏以慰我心

車牽五章章六句

營營青蠅止于樊豈弟君子無信讒言

營營青蠅止于棘讒人罔極交亂四國
營營青蠅止于榛讒人罔極構我二人

青蠅三章章四句

賓之初筵左右秩秩籩豆有楚殽核維旅酒旣

和旨飲酒孔偕鐘鼓既設舉疇逸逸大侯既
抗弓矢斯張射夫既同獻爾發功發彼有的
以祈爾爵

籥舞笙鼓樂既和奏烝衍烈祖以洽百禮百禮
既至有壬有林錫爾純嘏子孫其湛其湛曰
樂各奏爾能賓載手仇室人入又酌彼康爵
以奏爾時

賓之初筵溫溫其恭其未醉止威儀反反曰既
醉止威儀幡幡舍其坐遷屢舞僂僂其未醉

止威儀抑抑曰既醉止威儀忸忸是曰既醉
不知其秩

賓既醉止載號載嘷亂我邊豆屢舞僂僂是曰
既醉不知其郵側弁之俄屢舞僂僂既醉而
出並受其福醉而不出是謂伐德飲酒孔嘉
維其令儀

凡此飲酒或醉或否既立之監或佐之史彼醉
不臧不醉反取式勿從謂無俾大怠匪言勿
言匪由勿語由醉之言俾出童羖三爵不識

矧敢多又

賓之初筵五章章十四句

魚在在藻有頌其首王在在鎬豈樂飲酒
魚在在藻有莘其尾王在在鎬飲酒樂豈
魚在在藻依于其蒲王在在鎬有那其居

魚藻三章章四句

采菽采菽筐之筥之君子來朝何錫予之雖無
予之路車乘馬又何予之玄衮及黼

夔沸檻泉言采其芹君子來朝言觀其旂其旂

淠淠鸞聲嘒嘒載駟君子所屆

赤芾在股邪幅在下彼交匪紆天子所予樂只

君子天子命之樂只君子福祿申之

維祚之枝其葉蓬蓬樂只君子殿天子之邦樂

只君子萬福攸同平平左右亦是率從

汎汎楊舟緋纒維之樂只君子天子葵之樂只

君子福祿膺之優哉游哉亦是戾矣

采菽五章章八句

駢駢角弓翩其反矣兄弟昏姻無胥遠矣

爾之遠矣民胥然矣爾之教矣民胥倣矣
此令兄弟綽綽有裕不令兄弟交相爲瘡
民之無良相怨一方受爵不讓至于已斯亡
老馬反爲駒不顧其後如食宜餽如酌孔取只
毋教猱升木如塗塗附君子有微猷小人與
屬
雨雪漉漉見晁曰消莫肯下遺式居婁驕
雨雪浮浮見晁曰流如蠻如髦我是用憂
角弓八章章四句

有苑者柳不尚息焉上帝甚蹈無自暱焉俾予
靖之後予邁焉

有苑者柳不尚惕焉上帝甚蹈無自瘵焉俾予
靖之後予邁焉

有鳥高飛亦傳于天彼人之心于何其臻曷予
靖之居以凶矜

苑柳三章章六句

都人士之什

彼都人士狐裘黃黃其容不改出言有章行歸

于周萬民所望

彼都人士臺笠緇撮彼君子女綢直如髮我不見兮我心不說

彼都人士充耳琇實彼君子女謂之尹吉我不見兮我心苑結

彼都人士垂帶而厲彼君子女卷髮如蠶我不見兮言從之邁

匪伊垂之帶則有餘匪伊卷之髮則有旃我不見兮云何盱矣

都人士五章章六句

終朝采綠不盈一匊予髮曲局薄言歸沐
終朝采藍不盈一襜五日爲期六日不詹
之子于狩言韞其弓之子于釣言綸之繩
其釣維何維魴及鱖維魴及鱖薄言觀者

采綠四章章四句

芄芄黍苗陰雨膏之悠悠南行召伯勞之
我任我輦我車我牛我行旣集蓋云歸哉
我徒我御我師我旅我行旣集蓋云歸處

肅肅謝功召伯營之烈烈征師召伯成之
原隰既平泉流既清召伯有成王心則寧

黍苗五章章四句

隰桑有阿其葉有難既見君子其樂如何
隰桑有阿其葉有沃既見君子云何不樂
隰桑有阿其葉有幽既見君子德音孔膠
心乎愛矣遐不謂矣中心藏之何日忘之

隰桑四章章四句

白華菅兮白茅束兮之子之遠俾我獨兮

英英白雲露彼菅茅天步艱難之子不猶
滌池北流浸彼稻田嘯歌傷懷念彼碩人
樵彼桑薪印烘于熤維彼碩人實勞我心
鼓鐘于宮聲聞于外念子懞懞視我邁邁
有鶯在梁有鶴在林維彼碩人實勞我心
鴛鴦在梁戢其左翼之子無良二三其德
有扁斯石履之卑兮之子之遠俾我底兮

白華八章章四句

緜蠻黃鳥止于丘阿道之云遠我勞如何飲之

食之教之誨之命彼後車謂之載之
緜蠻黃鳥止于丘隅豈敢憚行畏不能趨飲之
食之教之誨之命彼後車謂之載之
緜蠻黃鳥止于丘側豈敢憚行畏不能極飲之
食之教之誨之命彼後車謂之載之

緜蠻三章章八句

幡幡瓠葉采之亨之君子有酒酌言嘗之
有兔斯首炮之燔之君子有酒酌言獻之
有兔斯首燔之炙之君子有酒酌言酢之

有兔斯首燔之炮之君子有酒酌言醕之

瓠葉四章章四句

漸漸之石維其高矣山川悠遠維其勞矣武人
東征不遑朝矣

漸漸之石維其卒矣山川悠遠曷其沒矣武人
東征不遑出矣

有豕白蹄烝涉波矣月離于畢俾滂沱矣武人
東征不遑他矣

漸漸之石三章章六句

毛詩 卷之九十四
若之華其葉青青知我如此不如無生

若之華其葉青青知我如此不如無生

若之華三章章四句

何草不黃何日不行何人不將經營四方
何草不玄何人不矜哀我征夫獨爲匪民
匪兕匪虎率彼曠野哀我征夫朝夕不暇
有芄者狐率彼幽草有棧之車行彼周道

何草不黃四章章四句

大雅

文王之什

文王在上於昭于天周雖舊邦其命維新有周
不顯帝命不時文王陟降在帝左右

豐豐文王令聞不已陳錫哉周侯文王孫子文
王孫子本支百世凡周之士不顯亦世

世之不顯厥猶翼翼思皇多士生此王國王國
克生維周之楨濟濟多士文王以寧

穆穆文王於緝熙敬止假哉天命有商孫子商

之孫子其麗不億上帝既命侯于周服
侯服于周天命靡常殷士膚敏裸將于京厥作
裸將常服黼冔王之蓋臣無念爾祖

無念爾祖聿修厥德永言配命自求多福殷之
未喪師克配上帝宜鑒于殷駿命不易

命之不易無遏爾躬宣昭義問有虞殷自天上
天之載無聲無臭儀刑文王萬邦作孚

文王七章章八句

明明在下赫赫在上天難忱斯不易維王天位

殷適使不挾四方

摯仲氏任自彼殷商來嫁于周曰嬪于京乃及
王季維德之行大任有身生此文王

維此文王小心翼翼昭事上帝聿懷多福厥德
不回以受方國

天監在下有命既集文王初載天作之合在洽
之陽在渭之涘文王嘉止大邦有子

大邦有子倪天之妹文定厥祥親迎于渭造舟
爲梁不顯其光

有命自天命此文王于周于京續女維莘長子
維行篤生武王保右命爾燮伐大商

殷商之旅其會如林矢于牧野維予侯興上帝
臨女無貳爾心

牧野洋洋檀車煌煌駟騶彭彭維師尚父時維
鷹揚涼彼武王肆伐大商會朝清明

大明八章四章章六句四章章八句

縣縣瓜瓞民之初生自土沮漆古公亶父陶復
陶穴未有家室

古公亶父來朝走馬率西水滸至于岐下爰及

姜女聿來胥宇

周原膺膺萑荼如飴爰始爰謀爰契我龜曰止

曰時築室于茲

迺慰迺止迺左迺右迺疆迺理迺宣迺畝自西

徂東周爰執事

乃召司空乃召司徒俾立室家其繩則直縮版

以載作廟翼翼

揀之陲陲度之薨薨築之登登削屨馮馮百堵

皆興馨鼓弗勝

迺立臯門臯門有伉迺立應門應門將將迺立
冢土戎醜攸行

肆不殄厥愠亦不隕厥問柞械拔矣行道兌矣
混夷駟矣維其喙矣

虞芮質厥成文王蹶厥生予曰有䟽附予曰有

先後予曰有奔奏予曰有禦侮

美文 縣九章章六句

芄芄械樸薪之樵之濟濟辟王左右趣之

濟濟辟王左右奉璋奉璋峩峩髦士攸宜

淠彼涇舟烝徒楫之周王于邁六師及之

倬彼雲漢爲章于天周王壽考遐不作人

追琢其章金玉其相勉勉我王綱紀四方

械樸五章章四句

瞻彼旱麓榛楛濟濟豈弟君子干祿豈弟

瑟彼玉瓚黃流在中豈弟君子福祿攸降

鳶飛戾天魚躍于淵豈弟君子遐不作人

清酒旣載騂牡旣備以享以祀以介景福

瑟彼柞械民所燎矣豈弟君子神所勞矣
莫莫葛藟施于條枚豈弟君子求福不回

旱麓六章章四句

思齊大任文王之母思媚周姜京室之婦大姒

嗣徽音則百斯男

惠于宗公神罔時怨神罔時恫刑于寡妻至于

兄弟以御于家邦

雝雝在宮肅肅在廟不顯亦臨無射亦保

肆戎疾不殄烈假不瑕不聞亦式不諫亦入

肆成人有德小子有造古之人無斃譽髦斯士

思齊五章二章章六句三章章四句

皇矣上帝臨下有赫監觀四方求民之莫維此

二國其政不獲維彼四國爰究爰度上帝耆

之憎其式廓乃眷西顧此維與宅

作之屏之其畱其翳脩之平之其灌其榑啓之

辟之其櫜其楛攘之剔之其壓其柘帝遷明

德串夷載路天立厥配受命既固

帝省其山柞械斯拔松柏斯兌帝作邦作對自

太伯王季維此王季因心則友則友其兄則
篤其慶載錫之光受祿無喪奄有四方

維此王季帝度其心貊其德音其德克明克明
克類克長克君王此大邦克順克比比于文
王其德靡悔既受帝祉施于孫子

帝謂文王無然畔援無然歆羨誕先登于岸密
人不恭敢距大邦侵阮徂共王赫斯怒爰整
其旅以按徂旅以篤周祜以對于天下
依其在京侵自阮疆陟我高岡無矢我陵我陵

我阿無飲我泉我泉我池度其鮮原居岐之
陽在渭之將萬邦之方下民之王

帝謂文王予懷明德不大聲以色不長夏以革
不識不知順帝之則帝謂文王詢爾仇方同
爾兄弟以爾鉤援與爾臨衝以伐崇墉

臨衝閑閑崇墉言言執訊連連攸馘安安是類
是禡是致是附四方以無侮臨衝茀茀宗墉
仡仡是伐是肆是絕是忽四方以無拂

皇矣八章章十二句

經始靈臺經之營之庶民攻之不日成之經始
勿亟庶民子來

王在靈囿麇鹿攸伏麇鹿濯濯白鳥翯翯王在
靈沼於物魚躍

虞業維樅賁鼓維鏞於論鼓鐘於樂辟靡
於論鼓鐘於樂辟靡鼉鼓逢逢矇瞍奏公

靈臺四章二章章六句二章章四句

下武維周世有哲王三后在天王配于京
王配于京世德作求永言配命成王之孚

成王之孚下土之式永言孝思孝思維則
媚茲一人應侯順德永言孝思昭哉嗣服
昭茲來許繩其祖武於萬斯年受天之祜
受天之祜四方來賀於萬斯年不遐有佐

下武六章章四句

文王有聲遹駿有聲遹求厥寧遹觀厥成文王
烝哉

文王受命有此武功既伐于崇作邑于豐文王
烝哉

築城伊洺作豐伊匹匪棘其欲適追來孝王后
烝哉

王公伊濯維豐之垣四方攸同王后維翰王后
烝哉

豐水東注維禹之績四方攸同皇王維辟皇王
烝哉

鎬京辟靡自西自東自南自北無思不服皇王
烝哉

考卜維王宅是鎬京維龜正之武王成之武王

烝哉

豐水有芑武王豈不仕詒厥孫謀以燕翼子武
王烝哉

文王有聲八章章五句
生民之什

厥初生民時維姜嫄生民如何克禋克祀以弗
無子履帝武敏歆攸介攸止載震載夙載生
載育時維后稷

誕彌厥月先生如達不圻不副無蕃無害以赫

厥靈上帝不寧不康禮祀居然生子
誕寘之隘巷牛羊腓字之誕寘之平林會伐平
林誕寘之寒冰鳥覆翼之鳥乃去矣后稷呱
矣實覃實訐厥聲載路
誕實匍匐克岐克嶷以就口食蓺之荏菹荏菹
旆旆禾役穰穰麻麥幪幪瓜瓞嗶嗶
誕后稷之穡有相之道弗厥豐草種之黃茂實
方實苞實種實裒實發實秀實堅實好實頽
實粟卽有郇家室

誕降嘉種維秬維秠維糜維芑恒之秬秠是穫
是畝恒之糜芑是任是負以歸肇祀

誕我祀如何或春或榆或籩或蹂釋之叟叟烝
之浮浮載謀載惟取蕭祭脂取羝以軋載燔
載烈以興嗣歲

卬盛于豆于豆于登其香始升上帝居歆胡臭
亶時后稷肇祀庶無罪悔以迄于今

生民八章四章章十句四章章八句

敦彼行葦牛羊勿踐履方苞方體維葉泥泥戚

戚兄弟莫遠具爾或肆之筵或授之几
肆筵設席授几有緝御或獻或酢洗爵奠斝醢
醢以薦或燔或炙嘉殽脾臄或歌或嘏

敦弓既堅四鍤既鈞舍矢既均序賓以賢敦弓
既句既挾四鍤四鍤如樹序賓以不侮

會孫維主酒醴維醕酌以大斗以祈黃耆黃耆

台背以引以翼壽考維祺以介景福

行葦四章章八句

既醉以酒既飽以德君子萬年介爾景福

既醉以酒爾殽既將君子萬年介爾昭明

昭明有融高朗令終令終有俶公尸嘉告

其告維何邊豆靜嘉朋友攸攝攝以威儀

威儀孔時君子有孝子孝子不匱永錫爾類

其類維何室家之壺君子萬年永錫祚胤

其胤維何天被爾祿君子萬年景命有僕

其僕維何釐爾女士釐爾女士從以孫子

既醉八章章四句

鳧鷖在涇公尸來燕來寧爾酒既清爾殽既馨

公尸燕飲福祿來成

鳧鷖在沙公尸來燕來宜爾酒既多爾殽既嘉

公尸燕飲福祿來爲

鳧鷖在渚公尸來燕來處爾酒既滑爾殽伊脯

公尸燕飲福祿來下

鳧鷖在漵公尸來燕來宗既燕于宗福祿攸降

公尸燕飲福祿來崇

鳧鷖在壘公尸來止熏熏旨酒欣欣燔炙芬芬

公尸燕飲無有後艱

鳧鷖五章章六句

假樂君子顯顯令德宜民宜人受祿于天保右

命之自天申之

千祿百福子孫千億穆穆皇皇宜君宜王不愆

不忘率由舊章

威儀抑抑德音秩秩無怨無惡率由羣匹受福

無疆四方之綱

之綱之紀燕及朋友百辟卿士媚于天子不解

于位民之攸暨

于時語語
假樂四章章六句

篤公劉匪居匪康迺場迺疆迺積迺倉迺裹餼
糧于橐于囊思輯用光弓矢斯張干戈戚揚
爰方啓行
篤公劉于胥斯原既庶既繁既順迺宣而無求
于嘆陟則在巘復降在原何以舟之維玉及瑤
鞞琫容刀

篤公劉逝彼百泉瞻彼溥原迺陟南岡乃覲于
京京師之野于時處處于時廬旅于時言言

于時語語

篤公劉于京斯依蹢蹢濟濟禘筵禘几既登乃
依乃造其曹執豕于牢酌之用匏食之飲之
君之宗之

篤公劉既溥既長既景迺岡相其陰陽觀其流
泉其軍三單度其隰原徹田爲糧度其夕陽
幽居允荒

篤公劉于豳斯館涉渭爲亂取厲取鍛止基迺
理爰衆爰有夾其皇澗溯其過澗止旅迺密

芮鞠之卽

公劉六章章十句

洞酌彼行潦挹彼注茲可以饑饉豈弟君子民之父母

洞酌彼行潦挹彼注茲可以濯漑豈弟君子民之攸歸

洞酌彼行潦挹彼注茲可以濯漑豈弟君子民之攸暨

洞酌三章章五句

有卷者阿飄風自南豈弟君子來游來歌以矢其音

伴奂爾游矣優游爾休矣豈弟君子俾爾彌爾性似先公酋矣

爾土宇畷章亦孔之厚矣豈弟君子俾爾彌爾性百神爾主矣

爾受命長矣弗祿爾康矣豈弟君子俾爾彌爾性純嘏爾常矣

有馮有翼有孝有德以引以翼豈弟君子四方

爲則

顛顛卬卬如圭如璋令聞令望豈弟君子四方

爲綱

鳳凰于飛翾翾其羽亦集爰止藹藹王多吉士

維君子使媚于天子

鳳凰于飛翾翾其羽亦傳于天藹藹王多吉人

維君子命媚于庶人

鳳凰鳴矣于彼高岡梧桐生矣于彼朝陽萃萃

萋萋離離喈喈

君子之車旣庶且多君子之馬旣閑且馳矢詩
不多維以遂歌

卷阿十章六章章五句四章章六句

民亦勞止汔可小康惠此中國以綏四方無縱
詭隨以謹無良式遏寇虐憺不畏明柔遠能
邇以定我王

民亦勞止汔可小休惠此中國以爲民逖無縱
詭隨以謹憺恟式遏寇虐無俾民憂無棄爾
勞以爲王休

民亦勞止汙可小息惠此京師以綏四國無縱
詭隨以謹罔極式遏寇虐無俾作慝敬慎威
儀以近有德

民亦勞止汙可小愒惠此中國俾民憂泄無縱
詭隨以謹醜厲式遏寇虐無俾正敗戎雖小
子而式弘大

民亦勞止汙可小安惠此中國國無有殘無縱
詭隨以謹繾綣式遏寇虐無俾正反王欲玉
女是用大諫

民勞五章章十句

上帝板板下民卒瘁出話不然爲猶不遠靡聖
管管不實於亶猶之未遠是用大諫

天之方難無然憲憲天之方蹶無然泄泄辭之
輯矣民之洽矣辭之懌矣民之莫矣

我雖異事及爾同僚我卽爾謀聽我囂囂我言
維服勿以爲笑先民有言詢于芻蕘

天之方虐無然詭詭老夫灌灌小子躑躑匪我
言耄爾用憂詭多將熇熇不可救藥

天之方憊無爲夸毗威儀卒迷善人載尸民之
方殿屎則莫我敢葵喪亂蔑資曾莫惠我師
天之牖民如堦如筮如璋如圭如取如攜攜無
曰益牖民孔易民之多辟無自立辟
佺人維藩大師維垣大邦維屏大宗維翰懷德
維寧宗子維城無俾城壞無獨斯畏
敬天之怒無敢戲豫敬天之渝無敢馳驅昊天
曰明及爾出王昊天曰旦及爾游衍

板八章章八句

蕩之什

蕩蕩上帝下民之辟疾威上帝其命多辟天生
烝民其命匪諶靡不有初鮮克有終
文王曰咨咨女殷商曾是彊禦曾是掎克曾是
在位曾是在服天降愆德女與是力
文王曰咨咨女殷商而秉義類彊禦多懟流言
以對寇攘式內侯作侯祝靡屆靡究
文王曰咨咨女殷商女魚休于中國斂怨以爲
德不明爾德時無背無側爾德不明以無陪

無卿

文王曰咨咨女殷商天不洎爾以酒不義從式
既愆爾止靡明靡晦式號式呼俾晝作夜
文王曰咨咨女殷商如蜩如蟴如沸如羹小大
近喪人尚乎由行內爨于中國覃及鬼方
文王曰咨咨女殷商匪上帝不時殷不用舊雖
無老成人尚有典刑曾是莫聽大命以傾
文王曰咨咨女殷商人亦有言顛沛之揭枝葉
未有害本實先撥殷鑒不遠在夏后之世

蕩八章章八句

抑抑威儀維德之隅人亦有言靡哲不愚庶人
之愚亦職維疾哲人之愚亦維斯戾

無競維人四方其訓之有覺德行四國順之訐
謨定命遠猶辰告敬慎威儀維民之則

其在于今興迷亂于政顛覆厥德荒湛于酒女
雖湛樂從弗念厥紹罔敷求先王克共明刑
肆皇天弗尚如彼流泉無淪胥以亡夙興夜寐
洒掃廷內維民之章脩爾車馬弓矢戎兵用

戒戎作用邊蠻方

質爾人民謹爾侯度用戒不虞慎爾出話敬爾
威儀無不柔嘉白圭之玷尚可磨也斯言之
其玷不可爲也

無易由言無曰苟矣莫捫朕舌言不可逝矣無
言不讎無德不報惠于朋友庶民小子子孫
繩繩萬民靡不承

視爾友君子輯柔爾顏不遐有愆相在爾室尚
不愧于屋漏無曰不顯莫予云覲神之格思

不可度思矧可射思

辟爾爲德俾臧俾嘉淑慎爾止不愆于儀不僭
不賊鮮不爲則投我以桃報之以李彼童而
角實虹小子

荏染柔木言緝之絲溫溫恭人維德之基其維
哲人告之話言順德之行其維愚人覆謂我
僭民各有心

於乎小子未知臧否匪手攜之言示之事匪面
命之言提其耳借曰未知亦旣抱子民之靡

盈誰夙知而莫成曰未賦亦謂賦于民之類
昊天孔昭我生靡樂視爾夢夢我心慘慘誨爾
諄諄聽我藐藐匪用爲教覆用爲虐借曰未
知亦聿旣耄
於乎小子告爾舊止聽用我謀庶無大悔天方
艱難曰喪厥國取譬不遠昊天不忒回遹其
德俾民大棘

抑十二章三章章八句九章章十句

苑彼桑柔其下侯甸捋采其劉瘼此下民不殄

心憂倉兄瑱兮倬彼昊天寧不我矜

四牡騤騤旗旐有翩亂生不夷靡國不泯民靡
有黎具禍以燼於乎有哀國步斯頻

國步蔑資天不我將靡所止疑云徂何往君子
實維秉心無競誰生厲階至今爲梗

憂心愬愬念我土宇我生不辰逢天俾怒自西
徂東靡所定處多我覲瘠孔棘我圉

爲謀爲茲亂況斯削告爾憂恤誨爾序爵誰能
執熱逝不以濯其何能淑載胥及溺

如彼遡風亦孔之僂民有肅心莽云不逮好是稼穡力民代食稼穡維寶代食維好

天降喪亂滅我立王降此蝨賊稼穡卒痒哀恫中國具贅卒荒靡有旅力以念穹蒼

維此惠君民人所瞻秉心宣猶考慎其相維彼不順自獨俾臧自有肺腸俾民卒狂

瞻彼中林牲牲其鹿朋友已譖不胥以穀人亦有言進退維谷

維此聖人瞻言百里維彼愚人覆狂以喜匪言

不能胡斯畏忌

維此良人弗求弗迪維彼忍心是顧是復民之貪亂寧爲荼毒

大風有隧有空大谷維此良人作爲式穀維彼不順征以中垢

大風有隧貪人敗類聽言則對誦言如醉匪用其良覆俾我悖

嗟爾朋友予豈不知而作如彼飛蟲時亦弋獲旣之陰女反予來赫

民之罔極職涼善背爲民不利如云不克民之
回適職競用力

民之未戾職盜爲寇涼曰不可覆背善詈雖曰
匪予旣作爾歌

桑柔十六章八章章八句八章章六句
倬彼雲漢昭回于天王曰於乎何辜今之人天
降喪亂饑饉薦臻靡神不舉靡愛斯牲圭璧
旣卒寧莫我聽

早旣大甚蘊隆蟲蟲不殄禋祀自郊徂宮上下
奠瘞靡神不宗后稷不克上帝不臨耗斁下
土寧丁我躬

早旣大甚則不可推兢兢業業如霆如雷周餘
黎民靡有孑遺昊天上帝則不我遺胡不相
畏先祖于摧

早旣大甚則不可沮赫赫炎炎云我無所大命
近止靡瞻靡顧羣公先正則不我助父母先
祖胡寧忍予

早旣大甚滌滌山川旱魃爲虐如暎如焚我心

早憚暑憂心如熏羣公先正則不我聞昊天上帝寧俾我遯

早既大甚黽勉畏去胡寧瘕我以旱憊不知其故祈年孔夙方社不莫昊天上帝則不我虞敬恭明神宜無悔怒

早既大甚散無友紀鞠哉庶正疚哉豕宰趣馬師氏膳夫左右靡人不周無不能止瞻卬昊天云如何里

瞻卬昊天有嘒其星大夫君子昭假無羸大命近止無棄爾成何求爲我以戾庶正瞻卬昊天曷惠其寧

雲漢八章章十句

崧高維嶽駿極于天維嶽降神生甫及申維申及甫維周之翰四國于蕃四方于宣
豐豐申伯王績之事于邑于謝南國是式王命召伯定申伯之宅登是南邦世執其功
王命申伯式是南邦因是謝人以作爾庸王命召伯徹申伯土田王命傅御遷其私人

申伯之功召伯是營有俶其城寢廟既成既成
藐藐王錫申伯四牡躑躑鉤膺濯濯

王遣申伯路車乘馬我圖爾居莫如南土錫爾

介圭以作爾寶往近王舅南土是保

申伯信邁王餞于郿申伯還南謝于誠歸王命
召伯徹申伯土疆以峙其棖式遄其行

申伯番番既入于謝徒御嘽嘽周邦咸喜戎有
良翰不顯申伯王之元舅文武是憲

申伯之德柔惠且直揉此萬邦聞于四國吉甫

作誦其詩孔碩其風肆好以贈申伯

崧高八章章八句

天生烝民有物有則民之秉彝好是懿德天監
有周昭假于下保茲天子生仲山甫

仲山甫之德柔嘉維則令儀令色小心翼翼古
訓是式威儀是力天子是若明命使賦

王命仲山甫式是百辟績戎祖考王躬是保出
納王命王之喉舌賦政于外四方爰發

肅肅王命仲山甫將之邦國若否仲山甫明之

既明且哲以保其身夙夜匪解以事一人
人亦有言柔則茹之剛則吐之維仲山甫柔亦
不茹剛亦不吐不侮矜寡不畏彊禦
人亦有言德輶如毛民鮮克舉之我儀圖之維
仲山甫舉之愛莫助之衮職有闕維仲山甫
補之

仲山甫出祖四牡業業征夫捷捷每懷靡及四
牡彭彭八鸞鏘鏘王命仲山甫城彼東方
四牡騤騤八鸞喈喈仲山甫徂齊式遄其歸吉

甫作誦穆如清風仲山甫未懷以慰其心
烝民八章章八句

奕奕梁山維禹甸之有倬其道韓侯受命王親
命之纘戎祖考無廢朕命夙夜匪解虔共爾
位朕命不易榦不庭方以佐戎辟

四牡奕奕孔脩且張韓侯入覲以其介圭入覲
于王王錫韓侯淑旂綏章簟弗錯衡玄衮赤
舄鉤膺鏤錫鞞鞞淺幘儻革金厄

韓侯出祖出宿于屠顯父餞之清酒百壺其殽

維何魚鼈鮮魚其藪維何維筍及蒲其贈維
何乘馬路車邊豆有且侯氏燕胥

韓侯取妻汾王之甥蹶父之子韓侯迎止于蹶
之里百兩彭彭八鸞鏘鏘不顯其光諸娣從
之祁祁如雲韓侯顧之爛其盈門

蹶父孔武靡國不到爲韓姑相攸莫如韓樂孔
樂韓土川澤訐訐魴鱖甫甫麀鹿嘒嘒有熊
有羆有貓有虎慶旣令居韓姑燕譽

溥彼韓城燕師所完以先祖受命因時百蠻王
錫韓侯其追其貊奄受北國因以其伯實墉
實壑實畝實籍獻其貔皮赤豹黃羆

韓奕六章章十二句

江漢浮浮武夫滔滔匪安匪遊淮夷來求旣出
我車旣設我旃匪安匪舒淮夷來鋪

江漢湯湯武夫泱泱經營四方告成于王四方
旣平王國庶定時靡有爭王心載寧

江漢之漭王命召虎式辟四方徹我疆土匪疚
匪棘王國來極于疆于理至于南海

王命召虎來旬來宣文武受命召公維翰無曰
予小子召公是似肇敏戎公用錫爾祉
釐爾圭瓚秬鬯一卣告于文人錫山土田于周
受命自召祖命虎拜稽首天子萬年
虎拜稽首對揚王休作召公考天子萬壽明明
天子令聞不已矢其文德洽此四國

江漢六章章八句

赫赫明明王命卿士南仲大祖大師皇父整我
六師以脩我戎既敬既戒惠此南國

王謂尹氏命程伯休父左右陳行戒我師旅率
彼淮浦省此徐土不留不處三事就緒
赫赫業業有嚴天子王舒保作匪紹匪遊徐方
繹騷震驚徐方如雷如霆徐方震驚
王奮厥武如震如怒進厥虎臣闕如虓虎鋪敦
淮濱仍執醜虜截彼淮浦王師之所
王旅嘽嘽如飛如翰如江如漢如山之苞如川
之流緜緜翼翼不測不克濯征徐國
王猶允塞徐方既來徐方既同天子之功四方

王既平徐方來庭徐方不回王曰還歸

常武六章章八句

瞻仰昊天則不我惠孔填不寧降此大厲邦靡

有定士民其瘵蝨賊蝨疾靡有夷屆罪咎不

收靡有夷瘳

人有土田女反有之人人有民人女覆奪之此宜

無罪女反收之彼宜有罪女覆說之

哲夫成城哲婦傾城懿厥哲婦為梟為鴟婦有

長舌維厲之階亂匪降自天生自婦人匪教

匪誨時維婦寺

鞠人忮忒譖始竟背豈曰不極伊胡為慝如賈

三倍君子是識婦無公事休其蠶織

天何以刺何神不富舍爾介狄維予胥忌不弔

不祥威儀不類人之云亡邦國殄瘁

天之降罔維其優矣人之云亡心之憂矣天之

降罔維其幾矣人之云亡心之悲矣

感沸檻泉維其深矣心之憂矣寧自今矣不自

我先不自我後藐藐昊天無不克鞏無忝皇

祖式救爾後

瞻卬七章三章章十句四章章八句

旻天疾威天篤降喪瘕我饑饉民卒流亡我居

天圍卒荒

天降罪罟蠹賊內訌昏椽靡共潰潰回遹實靖

夷我邦

皐皐訛訛曾不知其玷兢兢業業孔填不寧我

位孔貶

如彼歲旱草不潰茂如彼棲苴我相此邦無不

潰止

維昔之富不如時維今之疚不如茲彼䟽斯裨

胡不自替職兄斯引

池之竭矣不云自頻泉之竭矣不云自中溥斯

害矣職兄斯弘不裁我躬

昔先王受命有如召公日辟國百里今也日蹙

國百里於乎哀哉維今之人不尚有舊

召旻七章四章章五句三章章七句

頌

周頌清廟之什

於穆清廟肅雝顯相濟濟多士秉文之德對越在天駿奔走在廟不顯不承無射於人斯

清廟一章八句

維天之命於穆不已於乎不顯文王之德之純假以溢我我其收之駿惠我文王曾孫篤之

維天之命一章八句

維清緝熙文王之典肇禋迄用有成維周之禎

維清一章五句

烈文辟公錫茲祉福惠我無疆子孫保之無封靡于爾邦維王其崇之念茲戎功繼序其皇之無競維人四方其訓之不顯維德百辟其刑之於乎前王不忘

烈文一章十三句

天作高山大王荒之彼作矣文王康之彼徂矣岐有夷之行子孫保之其亦之矣

天作一章七句

昊天有成命二后受之成王不敢康夙夜基命

吳宥密於緝熙單厥心肆其靖之

昊天有成命一章七句

我將我享維羊維牛維天其右之儀式刑文王之典日靖四方伊嘏文王既右享之我其夙夜畏天之威于時保之

我將一章十句

時邁其邦昊天其子之實右序有周薄言震之莫不震疊懷柔百神及河喬嶽允王維后明昭有周式序在位載戢于戈載櫜弓矢我求

懿德肆于時夏允王保之

時邁一章十五句

執競武王無競維烈不顯成康上帝是皇自彼成康奄有四方斤斤其明鍾鼓喤喤磬筦將將降福穰穰降福簡簡威儀反反既醉既飽福祿來反

執競一章十四句

思文后稷克配彼天立我烝民莫匪爾極貽我來牟帝命率育無此疆爾界陳常于時夏

思文一章八句

周頌臣工之什

嗟嗟臣工敬爾在公王釐爾成來咨來茹嗟嗟
保介維莫之春亦又何求如何新畝於皇來
牟將受厥明明昭上帝迄用康年命我衆人
痔乃錢鏹奄觀銍艾

臣工一章十五句

噫嘻成王既昭假爾率時農夫播厥百穀駿發
爾私終三十里亦服爾耕十千維耦

噫嘻一章八句

振鷺于飛于彼西雝我客戾止亦有斯容在彼
無惡在此無斃庶幾夙夜以永終譽

振鷺一章八句

豐年多黍多稌亦有高廩萬億及秭爲酒爲醴
烝畀祖妣以洽百禮降福孔皆

豐年一章七句

有瞽有瞽在周之庭設業設虞崇牙樹羽應田
縣鼓鞀磬祝圉既備乃奏簫管備舉喤喤厥

毛詩
卷三
聲肅雝和鳴先祖是聽我客戾止未觀厥成
有瞽一章十三句

猗與漆沮潛有多魚有鱸有鮪鯨鰈鯉以享
以祀以介景福

潛一章六句

有來雝雝至止肅肅相維辟公天子穆穆於薦
廣牡相予肆祀假哉皇考綏予孝子宣哲維
人文武維后燕及皇天克昌厥後綏我眉壽
介以繁祉既右烈考亦右文母

雝一章十六句

載見辟王曰求厥章龍旂陽陽和鈴央央儻革
有鶉休有烈光率見昭考以孝以享以介眉
壽永言保之思皇多祐烈文辟公綏以多福
俾緝熙于純嘏

載見一章十四句

有客有客亦白其馬有萋有且敦琢其旅有客
宿宿有客信信言授之縶以繫其馬薄言追
之左右綏之既有淫威降福孔夷

有客一章十二句

於皇武王無競維烈允文文王克開厥後嗣武
受之勝殷遏劉耆定爾功

武一章七句

周頌閔予小子之什

閔予小子遭家不造嬛嬛在疚於乎皇考永世
克孝念茲皇祖陟降庭止維予小子夙夜敬
止於乎皇王繼序思不忘

閔予小子一章十一句

訪予落止率時昭考於乎悠哉朕未有艾將予
就之繼猶判渙維予小子未堪家多難紹庭
上下陟降厥家休矣皇考以保明其身

訪落一章十二句

敬之敬之天維顯思命不易哉無曰高高在上
陟降厥士日監在茲維予小子不聰敬止日
就月將學有緝熙于光明佛時仔肩示我顯
德行

敬之一章十二句

予其懲而苾後患莫予弇蜂自求辛螫肇允彼
桃蟲拚飛維鳥未堪家多難予又集于蓼

小苾一章八句

載芟載柞其耕澤澤千耦其耘徂隰徂畛侯主
侯伯侯亞侯旅侯疆侯以有嗇其饁思媚其
婦有依其士有略其耜俶載南畝播厥百穀
實函斯活驛驛其達有厭其傑厭厭其苗緜
緜其庶載穫濟濟有實其積萬億及秭爲酒
爲醴烝畀祖妣以洽百禮有飶其香邦家之

光有椒其馨胡考之寧匪且有且匪今斯今
振古如茲

載芟一章三十一句

畎畎良耜俶載南畝播厥百穀實函斯活或來
瞻女載筐及筥其饗伊黍其笠伊糾其鉶斯
趙以媡荼蓼荼蓼朽止黍稷茂止穫之挈挈
積之栗栗其崇如墉其比如櫛以開百室百
室盈止婦子寧止殺時稭牡有捄其角以似
以續續古之人

良耜一章二十三句

絲衣其紕載弁俵俵自堂徂基自羊徂牛鼐鼎
及鼐兕觥其觶旨酒思柔不吳不敖胡考之
休

絲衣一章九句

於鑠王師遵養時晦時純熙矣是用大介我龍
受之躋躋王之造載用有嗣實維爾公允師
酌一章八句

綏萬邦屢豐年天命匪解桓桓武王保有厥士

于以四方克定厥家於昭于天皇以間之

桓一章九句

文王既勤止我應受之敷時繹思我徂維求定
時周之命於繹思

賚一章六句

於皇時周陟其高山墮山喬嶽允猶翕河敷天
之下裒時之對時周之命

般一章七句

魯頌

毛詩

卷九

駟駟牡馬在坳之野薄言駟者有驕有皇有驪
有黃以車彭彭思無疆思馬斯臧

駟駟牡馬在坳之野薄言駟者有騅有駉有駢
有騏以車伾伾思無期思馬斯才

駟駟牡馬在坳之野薄言駟者有驪有駉有駢
有騏以車繹繹思無斃思馬斯作

駟駟牡馬在坳之野薄言駟者有駟有駉有駢
有魚以車祛祛思無邪思馬斯徂

駟四章章八句

有駟有駟彼乘黃夙夜在公在公明明振振
鷺鷥于下鼓咽咽醉言舞于胥樂兮

有駟有駟彼乘駟夙夜在公在公飲酒振振
鷺鷥于飛鼓咽咽醉言歸于胥樂兮

有駟有駟彼乘駟夙夜在公在公載燕自今
以始歲其有君子有穀詒孫子于胥樂兮

有駟三章章九句

思樂泮水薄采其芹魯侯戾止言觀其旂其旂
旂旂鸞聲噦噦無小無大從公于邁

思樂泮水薄采其藻魯侯戾止其馬蹻蹻其馬
蹻蹻其音昭昭載色載笑匪怒伊教
思樂泮水薄采其茆魯侯戾止在泮飲酒既飲
旨酒未錫難老順彼長道屈此羣醜
穆穆魯侯敬明其德敬慎威儀維民之則允文
允武昭假烈祖靡有不孝自求伊祐

明明魯侯克明其德既作泮宮淮夷攸服矯矯
虎臣在泮獻馘淑問如臯陶在泮獻囚

濟濟多士克廣德心桓桓于征狄彼東南烝烝

皇皇不吳不揚不告于訕在泮獻功

角弓其觶束矢其搜戎車孔博徒御無斃既克

淮夷孔淑不逆式固爾猶淮夷卒獲

翩彼飛鷗集于泮林食我桑黠懷我好音憬彼

淮夷來獻其琛元龜象齒大賂南金

泮水八章章八句

閔宮有恤實實枚枚赫赫姜嫄其德不回上帝
是依無災無害彌月不遲是生后稷降之百
福黍稷重穆植穉菽麥奄有下國俾民稼穡

有稷有黍有稻有秬奄有下土續禹之緒
后稷之孫實維大王居岐之陽實始翦商至于
文武續大王之緒致天之届于牧之野無貳
無虞上帝臨女敦商之旅克咸厥功王曰叔
父建爾元子俾侯于魯大啓爾宇爲周室輔
乃命魯公俾侯于東錫之山川土田附庸周公
之孫莊公之子龍旂承祀六轡耳耳春秋匪
解享祀不忒皇皇后帝皇祖后稷享以騂犧
是饗是宜降福旣多周公皇祖亦其福女

秋而載嘗夏而福衡白牡騂剛犧尊將將毛魚
載羹邊豆大房萬舞洋洋孝孫有慶俾爾熾
而昌俾爾壽而臧保彼東方魯邦是常不虧
不崩不震不騰三壽作朋如岡如陵

公車千乘朱英綠滕二矛重弓公徒三萬貝冑
朱綬烝徒增增戎狄是膺荆舒是懲則莫我
敢承俾爾昌而熾俾爾壽而富黃髮台背壽
胥與試俾爾昌而大俾爾耆而艾萬有千歲
眉壽無有害

泰山巖巖魯邦所詹奄有龜蒙遂荒大東至于
海邦淮夷來同莫不率從魯侯之功
保有鳧繹遂荒徐宅至于海邦淮夷蠻貊及彼
南夷莫不率從莫敢不諾魯侯是若
天錫公純嘏眉壽保魯居常與許復周公之宇
魯侯燕喜令妻壽母宜大夫庶士邦國是有
既多受祉黃髮兒齒

徂來之松新甫之柏是斷是度是尋是尺松栢
有舄路寢孔碩新廟奕奕奚斯所作孔曼且

碩萬民是若

闕宮九章五章章十七句一章章八句

二章章十句

商頌

猗與那與置我鞀鼓奏鼓簡簡衍我烈祖湯孫
奏假綏我思成鞀鼓淵淵嘒嘒管聲既和且
平依我磬聲於赫湯孫穆穆厥聲庸鼓有數
萬舞有奕我有嘉客亦不夷懌自古在昔先
民有作溫恭朝夕執事有恪顧予烝嘗湯孫

之將

那一章二十二句

嗟嗟烈祖有秩斯祐申錫無疆及爾斯所既載
清酏賚我思成亦有和羹既戒既平駸假無
言時靡有爭綏我眉壽黃耆無疆約軼錯衡
八鸞鶴鶴以假以享我受命溥將自天降康
豐年穰穰來假來饗降福無疆顧予烝嘗湯
孫之將

烈祖一章二十二句

天命玄鳥降而生商宅殷土芒芒古帝命武湯
正域彼四方方命厥后奄有九有商之先后
受命不殆在武丁孫子武丁孫子武王靡不
勝龍旂十乘大糝是承邦畿千里維民所止
肇域彼四海四海來假來假祈祈景員維河
殷受命咸宜百祿是何

玄鳥一章二十二句

濬哲維商長發其祥洪水芒芒禹敷下土方外
大國是疆幅隕既長有城方將帝立子生商

玄王桓撥受小國是達受大國是達率履不越
遂視既發相土烈烈海外有截
帝命不違至于湯齊湯降不遲聖敬日躋昭假
遲遲上帝是祗帝命式于九圍

受小球大球爲下國綴旒何天之休不競不綌
不剛不柔敷政優優百祿是遒

受小共大共爲下國駿厖何天之龍敷奏其勇
不震不動不難不竦百祿是總

武王載旆有虔秉鉞如火烈烈則莫我敢曷苞

有二蕞莫遂莫達九有有截韋顧既伐昆吾
夏桀

昔在中葉有震且業允也天子降于卿士實維
阿衡實左右商王

長發七章一章八句四章章七句一章
九句一章六句

捷彼殷武奮伐荆楚采入其阻哀荆之旅有截
其所湯孫之緒

維女荆楚居國南鄉昔有成湯自彼氐羌莫敢

不來享莫敢不來王曰商是常

天命多辟設都于禹之績歲事來辟勿予禍適

稼穡匪解

天命降監下民有嚴不僭不濫不敢怠遑命于

下國封建厥福

商邑翼翼四方之極赫赫厥聲濯濯厥靈壽考

且寧以保我後生

陟彼景山松柏丸丸是斷是遷方斲是虔松栢

有挺旅楹有閑寢成孔安

殷武六章三章章六句二章章七句一章五句

明新安 吳勉學校

毛詩

毛詩終

序

卷之六 章句

卷之六 章句



